

Don Pincho

Diaranson, 4 maart 2015

- Sopi di galiña
 - Filet Mignon
 - Carnival Chicken
ta bin cu aros, batata + salada
- Special: f 9.75 + f 14.50
☎ 585-8459

Rowigini's Plaza, St. Cruz



Diarazon Maart 25 2015 -Edicion-8 Vol.19453 Sta.Cruz #110
Tel: 585-9500 Fax:585-0951 - E-mail: solodipueblo@gmail.com

1.50

Urataca Center
Diarazon 25 di Maart
2015:
Pasta Bolonesa,
Garlic Bread &
Roasted Potato 0 fl
Tel: 585-5212

Begroting 2015 tin pata pata di tubo! Ficticio carga cu mentira

**Gobierno tin
un aña sin
paga awa ni
coriente na
WEB cu Elmar**

**Kico ta e
documento
cu
Schwengle
a sconde pa
Mike?**

Avion di Germanwings a cay den Alpen Frances cu 150 persona abordo



Raad van Advies a cuestiona 1.2 miyon florin pa aña cu TNO ta haya

Mundo riba su cabez!

**MERVIN TA CUESTIONA SI
XIOMARA TA SUFICIENTE
MUHER**



**WEB no ta pagando su debe
Banconan local
a menaza di laga
pone beslag riba
WEB NV**

**Mr. Evelyn Wever-Croes, lider di MEP:
Fraccion MEP a pidi
reunion pa debati riba
situacion financiero di
WEB**

Avion di Germanwings a cay den Alpen Frances cu 150 persona abordo



E prome minister di Francia, Manuel Valls, a conclui cu no tin sobreviviente di e accidente di avion airbus A320, di e aerolinea Germanwings, cu a accidente den Alpen Frances cu 150 persona abordo.

Valls a informa cu un helicopter a logra baha cerca di e lugar di e siniestro pero no a haya ningun sobreviviente. E tempo den e zona a deteriora diamars atardi, cu un awacero friu cayendo. Un autoridad local a comenta na e corant Les Echos, cu e "avion a desintegra" E avion tabata riba e ruta Barcelona, Spaña, pa Dusseldorf, Alemania, cu 144 persona abordo y seis miembro di tripulacion. Fuera di esey tabata tin dos baby abordo. No ta cla si nan a wordo inclui den tur di e 144 pasaheronan. Rey di Spaña, Felipe VI, kende a recorta su bishita di Estado pa Francia, na momento di e accidente a sali den prensa, a bisa cu tin un "cantidad grandi di Spaño, Aleman y Turco", riba e vuelo di Germanwings. E prome Minister Spaño, Mariano Rajoy, a tweet cu e lo regresa Madrid, pone hunto cu "team di crisis" y manda un minister pa Francia.

Famianan di esnan cu ta kere cu por ta riba e vuelo, ta teme lo pior, a cuminsa reuni na e aeropuerto di Barcelona, caminda un centro di crisis a wordo hinca den otro. E canceller Aleman, Angela Merkel a bisa diamars cu "nos no sa hopi di e vuelo y tampoco di e accidente. Y nos no sa e causa."

Merkel a bisa cu e tabata den contacto cu e presidente di Francia y e prome minister di Spaña, cu tur di acuerdo cu "lo yuda otro den cualkier forma." Tabata tin "hopi" Aleman riba e avion, el'a bisa den un conferencia di prensa, agregando cu e famianan ta den un pena increibel. "Nos ta pensa riba e victimanan y nan famia y nan conocirnan," el'a bisa. Merkel a bisa cu e lo ta mandando dos minister pa Francia diamars mes y cu e mes lo viaha pa e sitio di e siniestro diarazon pa e wak'e pa su mes.

E minister di asuntonan exterior Aleman, Frank-Walter Steinmeier a bisa cu e gobierno Aleman a set up un centro di crisis den respons di e "noticia teribel" y tabata den contacto cera cu autoridadnan di Francia.

Den e "momentonan dificl aki, nos pensamiento ta cu esnan cu tin miedo cu nan sernan mas cerca ta entre e pasahero y tripulacion," el'a bisa. Germanwings ta un aerolinea di costo abao, propiedad di Lufthansa Group. Lufthansa gradualmente a transferi hopi di su vuelonan cortico pa Germanwings, cu excepcion di vuelonan opera for di su hubnan di Frankfurt y Munich. Funda na 2002, Germanwings a bira un subsidiario completo propiedad di Lufthansa na 2009.

Fundacionnan social a bira victima di "vision y proyecto green"

Raad van Advies a cuestiona 1.2 miyon florin pa aña cu TNO ta haya Raad van Advies a cuestiona 1.2

Desde aña 2014 nos a tende cu Gobierno di Mike a pasa machete ariba varios empleado di Gobierno cu tabata traha via contract. Casi 70 empleado a wordo manda cas na SIAD, kendenan ta encarga cu haci invoer den computer di un cantidad di procesonan di belasting. Ademas di a manda 70 hende cas, tambe nan corta riba un cantidad di fundacion. Fundacion manera Maristella, SABA, Ambiente Feliz, Casa Cuna, Imeldahof, SKOA y varios otro a bira victima di un maneho "green" cu Mike Eman ta propaganda.

Victima, pasobra pa cualkier locura "green" tin placa, pero pa fundacionnan cu mester di placa, Mike a bira su lomba.

Den e conseho di Raad van Advies di 2015, nan a cuestiona e subsidio cu Mike Eman ta duna na e compania Hulandes TNO. Manera ta conoci cu e proyecto di TNO aki ta otro locura di Mike Eman, cu a bay te Hulanda pa asina invita e compania aki pa bin establece na Aruba. Raad van Advies a remarca cu den principio Gobierno a bisa cu eenmalig nan lo bay duna TNO 1.2

miyon florin. Sinembargo Raad van Advies ta mira cu esaki a bira algo fiho! Tur aña TNO ta hayando 1.2 miyon cu ta equivalente na 100 mil florin pa luna.

Tambe Raad van Advies a bisa cu esey no ta tur, pasobra cu tur aña por mira un post di "proyecto" unda aki tambe TNO ta haya extra 400 mil florin. Of si no ta pa un proyecto ta pa un rapport.

Raad van Advies a bisa cu e ta falta informacion kico TNO ta haci na Aruba, kico te doel y mas esencial kico ta e resultado!

1.2 miyon florin pa TNO.... igual na 100 mil florin pa luna



Minister tambe hinca den problema na school basico na Noord?

Informacion cu a yega na mesa di redaccion ayera nochi ta muestra cu na un School di Noord aparentemente lo tin un problema cu a bira basta serio.

Tur cos a cuminsa aparentemente ora cu un juffrouw di school lo a duna un mucha huiswerk pa e haci na cas.

Nos a bin compronde cu un mayor no a gusta cu e mucha a haya huiswerk y el'a presenta na school pa asina debati fuertemente cu e juffrouw

Den esaki e mayor lo a yama un minister cu parce ta su amiga. Tur cos ta muestra cu e minister a dicidi pa intermedia personalmente y asina e minister mes a presenta na e school pa reclama e maestra riba e hecho cu e ta duna demasiado huiswerk.

E cos no a cana bon y aparentemente e maestra di school a wordo suspendi y manda cas door di SKOA.

Nos a busca tur forma ayera nochi pa confirma e noticia, pero debi cu nos no por a confirma esaki, nos a dicidi pa no publica ningun nomber. Porta den edicion di mañan nos lo bini cu tur tur detaye.

Pueblo tin cu paga....

WEB a manda pidi ELMAR 20 miyon

Elmar lo tene accion di "kita meter"

Informacion cu nos a ricibi ayera ta bisa cu ELMAR a haya un yamada di WEB, unda WEB ta pidi ELMAR pa un suma di 20 miyon florin. Elmar no tin e suma aki den cash, pero awor lo mester bay busca e suma di placa aki den pueblo. Ya caba Elmar a prepara pa un otro accion di kita meter! Segun nos a bin comprende cu ELMAR a bini cu un otro maneho awor, unda nan no ta kita fusebox mas di Elmar, pero awor nan lo kita e meter completo y bay cune. Esaki lo pone presion pa asina e cliente bay paga tur loke

e debe! Antes ainda por a paga un luna y nan lo a conecta bo coriente bek! Esaki parce a cambia awor y Elmar lo kier pa bo paga e atraso completo pa asina nan por conecta e meter bek. Esaki ta un presion enorme cu nan kier pone ariba pueblo! Ta Mike Eman mes a broma y propaganda cu el'a pidi Elmar pa ta mas flexibel. Sinembargo awor cu e Mega Debe a subi Mike Eman te na su cabez, awor e no tin salida cu cambia su propio maneho y laga Elmar pone presion pa pueblo paga nan cuenta.

Contrario na opinion di Mike de Meza:

Rick Timmer no ta integro mas, debi na 'conflicto di interes' den WEB

Hende integro lo no a permiti semehande conflicto

Den un declaracion di Mike de Meza, el'a trece su opinion dilanti, unda e ta bisa cu Rick Timmer ta masha bon hende, tin bon estudio, ta profesional, tin bon reputacion y ta hende integro. Nos corant tin un otro opinion: Nos no tin nada personal contra Rick Timmer! Nos nunca a cuestiona su estudio, su profesionalismo, su capacidad ni tampoco su reputacion. Loke nos a cuestiona ta su integridad como cu e mes como doño di MetaCorp/Ecogas tabata haci negoshi cu empresa estatal unda e tabata tuma decision y of tabata tin tur acceso na informacion. Esaki ta algo hopi escandaloso pa Rick Timmer; e ta un conflicto di interes; e ta bira un persona

cu NO ta integro unda e mes dje forma aki ta dañá su reputacion.

Un hende cu di berdad ta integro, hamas lo por a permiti su mes di ta sinta den bestuur di WEB y ademas ta sinta como director/doño di Ecogas.

E pregunta ta: Ningun hende a waak e conflicto di interes aki? Con ta posibel?

Riba e defensa fofu di Eduardo, unda e kier hustifica cu su coleganan NO a tuma decision y cu notulen di WEB ta demostra esey, nos tin cu bisa Eduardo: "A otro perro con ese hueso"! E solo hecho cu Timmer no a participa den votacion ora di acepta



ECOGAS, no ta liber'e di e conflicto di interes. Pasobra como doño di Ecogas, e tabata tin tur acceso na documentonan di WEB y mas cu claro por a influencia cualkier decision cerca e demas bestuur di WEB.

Dowco Easter Special

Scohe un webo

Ricibi descuento di

10% te cu 50%

OPORTUNIDAD PA TRABAHO
DON PINCHO TA BUSCA
• UN KOKI
YAMA PA UN CITA NA:
585-1533/ 585-8459

Relaciona cu defensa fofo di Eduardo:

E hecho cu nan no a vota pa e proyecto no ta libera nan di 'conflicto di interes'

E conflicto di interes no ta solamente den votacion, pero den henter e envolvimento

Regardando henter e conflicto di interes den WEB di dos empleado di MetaCorp, siman pasa Eduardo de Veer a skirbi un carta pa su empleadonan unda e kier a defende of hustifica actonan di su coleganan den WEB.

El'a informa su empleadonan cu e notulennan di WEB ta proba cu su empleadonan no a comete nada robez, pasobra ora di vota pa e proyecto di ECOGAS, Rick Timmer no a vota.

E excusa aki ta uno hopi floho mes! E hecho cu

Rick Timmer mes no a vota pa e proyecto di Ecogas, no ta haci'e liber di pica of liber di culpa. E conflicto di interes no ta concerni solamente un votacion! Conflicto di interes ta mucho mas cu esey! Conflicto ta desde comienzo unda doño di Ecogas tabata tin tur informacion y tur acceso na WEB NV.

Ken por bisa, si compania Mericano di e sistema "waste to gas", no a bin cana den WEB, haya acceso liber pa asina nan por a prepara nan proyecto?

Ken por bisa cu Rick Timmer no a usa informacion personal y confidencial di WEB pa asina prepara su proyecto? Ken por bisa, cu Timmer no a haci uso di influencia, pa asina convence otro coleganan den bestuur cu nan mester bay e direccion aki y pa aproba?

Es decir, e excusa fofo cu Timmer no a vota, no ta significa cu Timmer cu Metacorp ta santo y no a kibra un koppi. Timmer a retira, pero ainda falta Every y henter e bestuur pa pidi nan retiro!



SALE SALE SALE SALE SALE

**SALE
NA
SAGAR**

35%

**TUR PAÑA DI
MUCHANAN
ALL KIDS CLOTHING**

**SALE
SALE
SAGAR II**

20%

**ARIBA TUR PAÑA DEFTIG/SETS/SHIMIS
SPECIAL ON DRESSES/SETS...
ARIBA TUR TAS/SCHOOL BAGS/RUGTAS**

**SALE
SALE
SAGAR II**

35%

**TUR BLUSAS
CUMpra UNO + UNO GRATIS!
(AFL.15 Y PARIBA) (MESUN PRICE OF MENOS)**

**SALE
SALE
SAGAR II**

35%

**ALL LADIES TOPS
BUY ONE GET ONE FREE
(AFL.15 AND UP) (SAME PRICE OR LOWER)**

**SALE
SALE
SAGAR II**

35%

**TUR JEANS / TUR SHORTS
TUR CARSON (COLORS) TUR SHIMIS
TUR JACKETS / TUR SET DI SAYA
TUR SETS / TUR JUMPERS / TUR CAPRI**

SALE SALE SALE SALE SALE

CAYA G.F. BETICO CROES # 75A • TEL: 582-7502 HABRI NONSTOP 9:00AM TE 6:00PM
 CAYA G.F. BETICO CROES # 64 • TEL: 588-4488 HABRI NONSTOP 9:00AM TE 6:30PM



UN DIA SO!

APPROVAL City

**DIASABRA
MAART 28
5:00-9:00PM**

**E EVENTO DI PRESTAMO
PA E BON PAGADO**

**CARNIVAL
VILLAGE
SAN NICOLAS**

ReFresh

11.5% Interes
p.a.

Un comienzo nobo.

- Nos por yuda bo cambia di banco na un manera facil y eficiente.
- Combina, consolida y reduci bo gastonan mensual.
- Un oportunidad pa reduci gastonan di credit card.
- Realisa bo metanan y paga menos pa luna.



HopiTeca

6.90% Interes
p.a.

E prestamo pa cas cu ta duna bo mas.

- Construi, cumpra of expande bo cas.
- Nos por yuda bo cambia di banco na un manera facil y eficiente.
- Combina, consolida y reduci bo gastonan mensual.
- Agencianan di Real Estate lo ta presente.
- **BSURE**

**Sign Off &
TAKE
OFF**

7.75% Interes
p.a.

E miho deal pa saca auto nobo.

- Financia bo auto nobo.*
- Lock bo deal pa modelonan di 2015.
- Tur agencianan di auto lo ta presente.
- Descuentonan exclusivo.
- **BSURE**

*Solamente pa autonan nobo di agencianan local.
Rijbewijs valido ta rekeri.



**AS GOOD AS
NEW**

9.50% Interes
p.a.

Prestamo di primera clase pa auto segunda mano.

- Financia bo auto segunda mano.**
- Lock bo deal pa bo no perde un bon deal.
- Tur agencianan di auto lo ta presente.
- Descuentonan exclusivo.
- **BSURE**

**Solamente pa autonan segunda mano aproba pa agencia.
Rijbewijs valido ta rekeri.

Registra awe mes na lockbodeal.com of yama nos na 522-3000

Bo banco **amigo**

[f cmbnews](https://www.facebook.com/cmbnews) www.cmbnv.com

E promocion aki ta valido exclusivamente durante e evento "Approval City" ariba 28 di maart 2015 y ta aplicable pa clientenan cu tin un record di pago satisfactorio segun exigencianan di Caribbean Mercantile Bank N.V. Prestamo personal "Fresh Start" tin un interes efectivo di 11.50% p.a., mientras cu e duracion maximo di e prestamo ta 5 aña y te cu 40.000 florin. Un gasto di administracion lo wordo cobra igual na Afl. 165.00 pa e prome aña di e prestamo, y Afl. 140.00 pa cada aña adicional. Un seguro di riesgo lo wordo cobra igual na 3% di e suma di e prestamo, mas e interes y gasto di administracion cu un maximo di 900.00 florin. Interes efectivo pa e campaña aki "Hopi-Teca" ta 6.90% p.a., mientras cu seguronan relaciona cu e hipoteca ta responsabilidad di e cliente. Gastonan administrativo ta 1.5% di e suma total di e prestamo. Refinanciamiento di prestamo di hipoteca pa clientenan existente ta condiciona na minimo Afl. 30.000.00 na fondonan nobo. "Sign Off and Take Off" Car Loan su interes ta 7.75% p.a. y ta basa riba un prestamo cu duracion di 5 aña. Interes efectivo lo varia entre 7.15% p.a. pa prestamonan cu duracion di 6 luna te cu 7.69% p.a. pa prestamonan cu duracion di 6 aña. Un seguro di riesgo di Afl. 10.00 lo wordo suma automaticamente na cada pago mensual. Gastonan administrativo ta 2% di e suma total di e prestamo incluyendo interes y seguro di riesgo. "As Good As New" Car Loan su interes efectivo ta varia entre 9.40% y 9.50% p.a. solamente pa prestamonan pa vehiculonan di segunda mano aproba pa agencianan selecta pa CMB N.V., mientras un seguro di riesgo pa un maximo di Afl. 10.00 y gasto administrativo di Afl. 15.00 lo wordo suma automaticamente na cada pago mensual. Den caso cu prestamonan pa auto wordo cancela prome cu e termino acorda, Caribbean Mercantile Bank N.V. ta reserva e derecho di cobra un boet di 10% di e interes acorda durante ful e periodo cu a resta. Caribbean Mercantile Bank N.V. ta ofrece un pakete atractivo di seguro B-Sure. Cualquier descuento cu ta relaciona cu añadi producto- of serviccionan na un pakete bancario completo ta un recompensa pa e cliente su lealtad. E relacion entre Caribbean Mercantile Bank N.V. y su clientenan ta wordo determina pa e "Condicionnan General di Caribbean Mercantile Bank N.V."

**Polis a busca homber bao
influencia cu a maltrata su
yiu, pareha y ruman homber**



Dialuna anochi a drenta un informe cu den Spinozastraat un homber tabata maltratando su muher riba caya. Mesora a manda varios patruya na e sitio. Na yegada polis no a topa cu e agresor. Manera cu el'a tende cu polis ta na caminda, el'a core drenta den su cas y aparentemente lo a bula cura patras di e cas y bay for di e sitio. Na e sitio polis a bin comprende cu ta trata di un homber ya conoci di nan pa ta maltrata su pareha. Varios biaha polis a bay na e adres pa maltrato di e dama. Aparentemente e dama nunca ta entrega keho di maltrato y polis no por haci mucho. E biaha aki, e lo tabata bao di influencia di un of otro substancia y cu el'a morde su yiu muher di 7 año. Su ruman homber cu a mira loke su ruman tabata haciendo cu su propio yiu mesora a sali na defensa di su sobrina. E homber bao influencia a bira cuminsa bringa cu su ruman homber. Te ora cu el'a scucha cu polis ta na caminda, el'a core bay paden di cas y bandona e sitio.

Polis a cana rond y paden di e cas pero no a logra topa cu e agresor aki. E agresor ta un homber di inicial J.R. cu ta conoci den e mundo di MMA na Aruba. E ruman cu a wordo maltrata, a dicidi di bay Warda di Polis pa entrega keho contra su ruman y asina recherche por deten'e pa maltrato.

Pueblo kier haya sa y mester sa!!!!
Kico ta e documento cu
Schwengle a sconde pa Mike?
Cu aparentemente secretaria 'Poyita' a
lek na Mike?

Tabata algun siman pasa cu Dokter Alex Schwengle a hera di pidi su retiro ora cu misteriosamente un documento hopi importante a lek di su oficina y a bay cay den man di Mike Eman.

Schwengle a rabia asina
hopi cu el'a manda tur su
empleadonan cas y el'a
viaha pa Panama. Ora el'a
bolbe, el'a kita di trabao
un secretaria "Poyita" of ta
un tal "Chicken Legs". E
pregunta cu ta wordo haci
den tur skina na Aruba
ta: Kico e documento
ey ta? Lo tabata un
documento amoroso? Of
un documento di trabao?
Loke nos a bin comprende
ta cu e secretaria "povita"



a wordo kita di trabao door
di Schwengle pero na mes
momento el'a wordo tuma
na trabao door di Mike
Eman.

Viavianosabincomprende
cu e secretaria a laga sa:
No ta e documento ey so
mi tin, mi tin mucho mas!
Solo di Pueblo ta paga 1

florin na cualquier lector cu
por haya sa: Kico e carta
ta? Dicon e carta ey a
hera di pone Schwengle
retira? Ta kico Schwengle
ta haciendo anto? Cu el'a
rabia asina hopi?
Minister Schwengle debe
pueblo un splicacion.

[illegible]

RBC Royal Bank ta lanza un tremendo campana cu e mihor oferta riba Prestamo pa Auto

Dia 23 di maart 2015, RBC Royal Bank a lanza un tremendo campana riba prestamo pa auto durante un conferencia di prensa. Durante conferencia di prensa sr. Carlos Eckmeyer, Branch Manager di San Nicolas a presenta e campana aki y a bisa: "Maske cu nos tin actualmente e mihor oferta pa auto, RBC ta mas cu simplemente interesnan reduci.

Nos ta procura pa guiabo debidamente ora di compra un auto. Un auto propio toch ta un inversion grandi y pesey RBC tey pa conseha un y tur a base di nan situacion financiero." Pa cu campana aki RBC ta ofrece un interes pa cu prestamo pa auto cu ta varia entre 7.75% APR te cu 9% APR.

Esnan cu paga nan auto den 6 aña of menos ta haye na 7.75% APR y pa esnan cu pague den 7 aña ta haya esaki na 9% APR. Ademas di un tremendo interes bo ta ricibi tambe un descuento riba bo seguro di auto, chens pa gana bo prome aña di seguro di auto te cu'n suma maximo di Afl.1000 y pa e prome dos lunanan bo ta paga solamente e interes.

Sr. Eckmeyer a splica: "RBC te unico banco na Aruba cu ta bay te cu 7 aña largo riba prestamo pa auto, cual ta baha bo pago mensual pa luna mas ainda.

Pues sin duda un tremendo deal cu no tin competencia". Durante e conferencia di prensa sr. Eckmeyer a pone enfasis tambe riba e guia profesional di parti nan Account Managers. "Nos Account Managers tey pa guiabo y consehabo debidamente pasobra con bay bin un auto nobo no ta algo barata". Pues si bo ta cla pa compra un auto

nobo, pasa na un di RBC su branchnan of yama RBC su Service Line na 588.01.01. pa mas informacion.



Busca e diferencia:



OTRO BANCONAN
Te cu Afl. 833 pa luna



RBC ROYAL BANK™
Mas o menos Afl. 643 pa luna



Haya MAS cu bo Prestamo pa Auto di RBC!

Aplica awo y ricibi:

- Interes entre 7.75% y 9% APR.*
- Chens pa gana te cu Afl.1000 bek riba bo Seguro di Auto
- Descuento riba Seguro di Auto
- Consejo y guia profesional
- Te cu 7 aña di pago
- E posibilidad di paga solamente interes e prome dos lunanan

Sin duda, un oferta incomparabel!

Pa mas informacion pasa libremente na un di nos branchnan of yama nos RBC Service Line na 588.01.01 of bishita nos website www.rbc.com/caribbean

E interes efectivo despues di campana ta bira 9.75 % APR p.a. | Pa prestamo pa auto ta obligatorio pa sera un seguro di auto na nomber di RBC Royal Bank (Aruba) N.V. | All Risk Insurance ta obligatorio pa e prome 4 añanan riba auto nobo | Gastonan di administracion ta equivalente na 1.5% di e balor di e prestamo cu'n minimo di Afl. 250 | Risk Premium pa un solo aplicante ta equivalente na 2% di e balor di prestamo y 3% den caso di dos aplicante cu'n minimo di Afl. 100 | Den caso di cancelacion tin cu paga un boet di 4 luna di interes adicional riba e balansa di prestamo cu'n minimo di Afl. 500 | *Pa prestamo pa 7 aña bo ta ricibi 9% APR y pa 6 aña y menos, 7.75% APR | RBC Royal Bank (Aruba) N.V. ta reserva su derecho di aprobacion | Condicionnan general lo keda aplicabel | E oferta aki ta valido te cu 29 di mei, 2015

®/TM Trademark(s) of Royal Bank of Canada. Used under licence.



RBC Royal Bank

Dangui Oduber, parlamentario di MEP:

Segun Raad van Advies e presupuesto 2015 tin e mesun karakter y contenido cu presupuesto 2014!

Presupuesto 2015 a keda cla y a wordo entrega 6 luna laat. Ora nos a kere e gobierno aki a siña su les di entrega presupuestonan na tempo y mirando kico a sosode cu presupuesto 2014 esaki no tabata e caso.

Manera nos tur por keda presupuesto di aña 2014 ta bay den historia como e presupuesto di mas malo di nos pais y e presupuesto cu a conduci pa promer minister Mike Eman bay su huelga di hamber cu NO a duna ningun resultado.

Tur hende na Aruba actualmente ta sintiendo e efectonan di e medidanan di e gobierno aki. Comercio tambe ta sclamando y ta dunando indicacion cu no por carga mas peso. E pueblo aki a perde confianza den

e gobierno aki y no ta kere tampoco cu e situacion lo mehora. den e encuesta cu a wordo haci pa banco central e consumidor ta expresa su mes den un forma cu e no tin confianza mas cu e situacion lo bira mihor. Alcontrario e la perde tur speranza y ta kere cu su situacion financiero lo empeora.


E presupuesto 2015 cu a wordo entrega ta un otro presupuesto di medida caminda gobierno ta scoge pa bay corta den subsidionan sin corta den e gasto di coordinadonan.

Promer minister Mike Eman ta mantene su 137 coordinadonan intacto y e gastonan di personal di bureau di promer minister Mike Eman so ta 13 miyon florin. Mientras ta castiga

pueblo cu medida, kita subsidio di nos grandinan, nos deportistanan, un cantidad di fundacionnan, e gobierno aki ta mantene e cantidad di ministernan na 9 y cantidad di coordinadonan intacto.

Raad van Advies a conseha gobierno pa NO manda e presupuesto aki parlamento comokiera e ta un presupuesto ficticio. Segun e presupuesto ficticio aki gobierno ta bay reduci e subsidio pa Arubus cu 1.2 miyon florin.

Aki tambe segun Gobierno, cu Arubus lo haya entrada via di Arupark, es decir ora cu cuminsa cobra pueblo pa staciona den Oranjestad. Segun Raad van Advies cu esaki tampoco nan no ta premira cu lo bay keda cla,



pasobra ya nos ta drelando 3 pa 4 luna di aña y tur e leynan aki ta leu di keda cla.

Gobierno ta scoge toch pa presenta e presupuesto ficticio aki na parlamento y nos ta premira un di 2 huelga di hamber na

caminda. E conclusion di Raad van Advies tabata cu e presupuesto 2015 tin e mesun karakter y contenido cu esun di aña 2014 y ta pesey mes nos ta premira un posibel huelga di hamber despues cu esaki pasa parlamento di Aruba!

END OF MONTH WAREHOUSE SALE

HURRY WHILE STOCK LASTS

Be Extraordinary



Blu Life Play 2
~~AFL. 329,-~~
AWO AFL. 199,-



Huawei Ascend P6
~~AFL. 929,-~~
AWO AFL. 399,-



DIGICELARUBA.COM

Oferta ta valido na tur tienda di Digicel te cu 31 di maart, 2015 of tanten cu tin den stock. Pijnsnan di celular ta pa clientenan Prepaid. Tin condicionnan aplicabel.



Mundo riba su cabez!

MERVIN WYATT-RAS TA CUESTIONA SI XIOMARA RUIZ-MADURO TA SUFICIENTE MUHER



Parlamento a para bira un lugar caminda politiconan frustra ta saca nan gal y e siman aki no tabata diferente. Pero e biaha aki el'a bin di un skina inespera. Ningun hende por a pensa cu Mervin Wyatt-Ras lo a rebaha su mes na politica di riol di es forma ey.

Parlamento tabata trata e presupuesto pa 2015 di parlamento mes y pa e fraccion di AVP Mervin Wyatt-Ras a hiba palabra. Ora argumento a caba cun'e, el'a haya necesario pa durante e reunion di presupuesto, cuestiona si Xiomara Ruiz-Maduro ta suficiente muher si of no. Y e no a keda te eyan pasobra el'a cuestiona tambe si Xiomara cu su 2 mil y pico voto por yama su mes un parlamentario si of no. Un escenario bergonzoso di mira un parlamentario, cu un tempo tabata presidente di parlamento, rebaha su mes di es forma ey na politica di riol mas sushi cu tin. Pero locual tur hende cu conoce Mervin a puntra nan mes, ta kico a pasa cu Mervin? Kico ser muher tin di haber cu presupuesto di parlamento? Acaso ta esey ta e discusionnan cu e organo mas halto tin di hiba?

Of acaso ta un dilemma cu Mervin ta bira cun'e y den su frustracion a sak'e riba Xiomara? Y dicon mester cuestiona si e 2 mil y pico votonan di Xiomara ta of no ta haci'e un parlamentario? Un ex- presidente di parlamento mester conoce su ley y mester realiza cu Xiomara ta un parlamentario escogi pa pueblo cu votonan di preferencia y simplemente pa esey so e ta un parlamentario, cu Mervin kier of no.

Ademas, ta danki na entre otro e caracter fuerte di Xiomara y su trabao duro, awe henter mundo a mira e berdad di e debacle financiero di nos pais. Xiomara a duna Mervin un contesta cu casi a pone Mervin yora. Por a nota cu el'a bira masha emocional y su cara a bira cora cora, na momento cu Xiomara a bise cu e ta para 100% manera un muher den su zapato y e no mester cambia camiseta politico. E sucedido aki a laga un mancha scur atras riba e nivel di parlamento un biaha mas, ora cu argumento caba cu un parlamentario y e mester rebaha su mes di e forma aki y bira personal. Pueblo ta desapropa esaki totalmente!

Den reunion cu banco a bin sali na cla:

Gobierno tin un año sin paga awa ni coriente na WEB cu Elmar

Gobierno debe WEB 15 miyon florin

Cada rato ta sali mas puito for di macuto! Den e reunion cu banconan local a tene cu WEB dialuna, a bin sali na cla cu Gobierno no ta pagando awa ni coriente. E debe aki a suma total 15 miyon florin. Parce cu WEB tabata dejado pa asina forza Gobierno na paga esaki pa cual WEB a bay demasiado flexibel cu Gobierno cu tambe ta otro causante cu WEB a bay den rood.

WEB tin algun luna sin paga su debe na banconan local y esaki a haci cu banconan local a bira hopi nervioso y nan a pone presion riba WEB. Si WEB no haci pago dentro di 7 dia, banconan local lo laga pone WEB bao beslag. Tur cos ta muestra cu Gobierno mester bay paga loke e debe pa asina e yuda mehora e posicion hopi debil di e compania WEB NV.



Take full advantage of the low Euro!

A large part of Flora's assortment is shipped from Europe. The Euro exchange rate is very lucrative these days. You can benefit from it now! Keep an eye on Flora's Euro Deals the coming months!



www.flora.aw



LONG BLOOMING

Guzmania Rana
From Afl. ~~29,95~~

Afl. ~~17,50~~

excl. pot

Curly willow
Afl 3,95 each

3 for:

Afl. ~~10,00~~

excl. vase and decoration

25% discount
— on all —
easter decoration



SUNDAYS OPEN
10am - 2pm

AVENIDA MILIO CROES 101
TEL: (+297) 583 6468

Parlamentario di MEP, mr. Xiomara Maduro:

Nos no ta aproba e maneho tras di e cifranan di e presupuesto di Parlamento

Ora di trata un presupuesto ta momento pa para keto tambe na e maneho cu ta wordo hiba. Poco dia pasa un politico a expresa cu Pueblo mester presta atencion na e maneho tras di e cifranan presenta den un presupuesto. Tirando un bista riba e maneho tras di e cifranan di e presupuesto Parlamento di Aruba, nos ta yega na e conclusion, cu nos no por aproba e maneho di Parlamento cu ta wordo hiba ora ta trata di silencia oposicion.

Maneho dirigi pa stroba oposicion

E ta bisto cu den Parlamento e maneho cu ta wordo hiba ta pa stroba oposicion di haci su trabao.

Mayoria reunion publico cu oposicion ta pidi no ta wordo yama of ta wordo yama na momento cu ya e tema no ta biba mas den Pueblo. Ora di pidi punto di ordo of persoonlijk feit esaki tampoco ta wordo honra manera debe ser, specialmente si ta e damas di MEP ta esnan cu ta pidi esaki.

Acuerdo di trabao tambe no ta wordo honra manera debe ser. Na momento cu oposicion reclama por escrito, esaki no tur ora ta

wordo registra den e registro oficial di Parlamento. Reunion publico ta tuma lugar sin cu documentonan pidi pa oposicion ta riba mesa. Na mas di un ocasion ta den prensa oposicion ta haya sa di fechanan cu reunionnan den Parlamento lo tuma lugar. Cada vez ta limita e spreektijd cu parlamentario ta haya.

Por ehempel, den e encuentro cu WEB y Utilities riba hedging, oposicion a pidi pa haya sikiera 5 minuut pa por haci pregunta riba e 57 pagina di e feitenonderzoek, pero ta solamente 3 minuut a wordo duna pa por cuestiona un asunto cu ta perhudica e cartera di full un Pueblo.

Ultimo hasta ora di mira documento ter inzage, oposicion ta wordo intimida pa coordinador di minister cu ta para 'cuida' documento y tira bista tras di lomba di e parlamentario pa por controla kico e parlamentario di oposicion ta mira of nota. Y asina tin mas ehempel di e maneho dirigi pa silencia y stroba e trabao di oposicion.

Nos ta rechaza dictadura parlamentario

Nos ta rechaza e dictadura

parlamentario cu ta ser practica den Parlamento di Aruba y cune nos ta rechaza e maneho tras di e cifranan di e presupuesto 2015 di Parlamento. Nos ta biba te ainda den un democracia na unda cu oposicion tin su lugar y mester wordo trata cu e debido respet. No por hiba un maneho den cual ta purba silencia oposicion.

Pa e motibo aki tambe nos ta trece na conocimiento di Pueblo e motibo pa cual nos a vota contra e presupuesto di Parlamento. Nos no ta aproba e maneho tras di e cifranan di e presupuesto di Parlamento, ya cu e maneho aki ta dirigi na stroba oposicion di haci su trabao na beneficio di Pueblo y democracia na nos Pais.



WALK for Autism

APRIL 1ST

fisherman's hut

TIME: 5:30PM

REGISTRATION: 4:30PM

refreshments included

FOR INFORMATION CALL: **588.1179**

FUN RUN WALK

for a good cause!







OPORTUNIDAD PA TRABAO

DON PINCHO TA BUSCA

• UN KOKI

YAMA PA UN CITA NA:

585-1533/ 585-8459

WEB no ta pagando su debe Banconan local a menaza di laga pone beslag riba WEB NV

E reunion entre banconan local y WEB cu a tuma lugar dialuna no a bay den bon ambiente. Banconan local a muestra bo cla cu nan tin hopi di bisa den WEB, como cu nan a fia WEB placa y nan tin WEB bao di hypotheek.

Debi cu WEB a cay den atraso pa paga su prestamo na banco, banconan local a bay asina leu di bisa WEB cu si dentro di 7 dia, WEB no bini cu un suma hopi grandi di mas di 10 miyon florin, e ora banconan local lo pone beslag riba WEB.

Banconan local aparentemente tambe a

bin comprende e wegá politico cu Mike Eman a haci cu WEB, ora cu Mike tabata hinca WEB den tur sorto di baina di eventonan green y cu tur esaki a haci cu WEB awor a bira inmanehabel.

Gerencia di WEB a sali bastante demotiva di e reunion cu banconan local, pasobra nan a wordo ranca duro na horea. E situacion den WEB ta hopi malo y awor mester hala faha mara! No por sigui complace Mike Eman den su locura di eventonan green, cu te dia di awe, no a yuda e pueblo cu nada!

Commandant Generaal Abraham de Veerschool
Openbare school voor Ciclo Basico en Ciclo Avansa
m.a.v.o.

JAN VAN NASSAUSTRAAT 2 San Nicolas ARUBA



Anochi informativo na C.G ABRAHAM DE VEER SCHOOL

Nos ta invita tur mayor cordialmente pa asisti na e anochi informativo di Abraham de Veerschool. Ta importante pa mayornan ta bon informa asina conhuntamente nos lo por yuda bo yiu pa cu su futuro.

Dia: Diarazon 25 di Maart 2015 pa 6:00 pm
– 8:30 pm

na C.G ABRAHAM DE VEER SCHOOL

CHEVROLET YOUR WAY

CHEVROLET SPARK® 2015

MONTHLY FROM **AWG 479**

BASED ON 5 YEAR FINANCING
+ AWG 3000 DOWN PAYMENT



AWG 500 GASOLINE VOUCHER
2 FREE SERVICE
FULL TANK OF GAS
CARMATS
CAR CARE PRODUCTS



OR

3 ADDITIONAL FREE SERVICE
2 FREE SERVICE
FULL TANK OF GAS
CARMATS
CAR CARE PRODUCTS

OR

CHEVROLET CRUZE® 2015

MONTHLY FROM **AWG 851**

BASED ON 5 YEAR FINANCING
+ AWG 10000 DOWN PAYMENT



1 FLAT SCREEN TV
2 FREE SERVICE
FULL TANK OF GAS
CARMATS
CAR CARE PRODUCTS

FIND NEW ROADS™

*Average monthly payment is based on 60 months and depends on the interest rate offered by each bank.

STERN

Tanki Leendert 122 • Tel: 582-3838

 Chevrolet Aruba

CHEVROLET 

Informacion circulando riba caya:

E asesino di Hooiberg posiblemente a huy caba pa Venezuela

Segun informacionnan cu a yega na nos mesa di redaccion ta bisa cu e asesino di e hoben Webb na Hooiberg ya caba lo a huy pa Venezuela.

Informacion cu ta circula riba caya ta splica cu aparentemente lo tin pues un Venezolano tambe involvi den e asesinato.

Pues ademas cu por tin sospechosonan deteni, informacion for di riba caya ta pidi polis pa investiga si ta berdad cu tin un Venezolano meti den e asesinato cu ya caba a huy pa Venezuela.

Manera ta conoci caba, siman pasa un hoben a wordo asesina na pia di

Hooiberg den un auto pa cual aki por a conclui cu ela ricibi un of algun tiro den su cabez for di un distancia hopi cortico.

Solo di Pueblo den pasado a bisa caba na Aruba tin hopi arma ta circula.

Nos no ta wak cu Minister Dowers ta haciendo net nada pa asina frena of purba na saca e armanan aki for di circulacion.

Si no pone un paro y frena e armanan aki cu ta den circulacion na Aruba, anto nos lo por sigui spera un cantidad di reglamento di cuenta.

Asina un grupo lo sigui

mata otro grupo. E modus operandi aki ya ta conoci di basta tempo caba ora cu ya caba ta varios reglamento di cuenta a keda tuma lugar.

Si autoridad no actua cu man fuerte, anto por segura cu e situacion aki lo keda bira mas y mas pior.

Pa loke ta trata e caso na Hooiberg, lo ta bon pa polis tira un vista riba un supuesto Venezolano involvi.

Manera cu nos ta bisa, rumor di caya ta bisa cu tin un persona involvi cu a huy pa Venezuela masha rapido despues di e caso aki.

Te akinan nos informacion pa awe ariba e caso di awe.

Algun politico di AVP ta vies

Permitimi un reaccion! Nunca mi ta participa den nada di politica, pero mi kier manda un mensahe pa AVP.

Dicon algun di boso politiconan ta asina DOM?

Mi ta referi aki na Melvin Tromp. Kico su funcion ta den partido AVP?

E ta un "bouncer politico", anto e tin cu percura pa lastra tur hende den lodo?

E politica aki di Melvin Tromp ta politica bieu! Ningun hende ta gusta e forma baho y bao nivel cu e ta comporta su mes.

Kico e ta debati pa Aruba? Con e ta defende su pueblo?

Cada vez cu e papia e ta papia barbaridad. E no ta focus nunca nunca riba problemanan di Aruba. Constantemente e ta e "bouncer politico" di AVP pa asina critica politiconan di MEP?

Ken ta interesa? Nos ta interesa con pa goberna pa Aruba y su pueblo. Kico AVP por haci pa yuda e pueblo. Nos no ta mira cu Melvin Tromp tin capacidad y mi a fada di e politico aki. Pa culpa di Melvin Tromp mi a dicidi cu mi no kier ta AVP nunca mas. Nunca mi tabata AVP, cu excepcion di ultimo dos eleccion nan a convencemi.

Pero danki na Melvin, mi ta bisa ayo AVP!

SUPER SHOPPING SUPER SHOPPING SUPER SHOPPING SUPER SHOPPING

**TUR PAÑA DI MUCHA
TUR PAÑA DI HENDE MUHER
TUR PAÑA DI HENDE HOMBER
TUR SAPATO DI MUCHA
TUR SAPATO DI HENDE MUHER
TUR SAPATO DI HENDE HOMBER
TUR CORTINAS DI SALA
TUR CORTINAS DI CUSHINA
TUR CORTINAS DI BAÑO
TUR COMFORTERS/SETS
CORTINAS SPECIAL - AFL.10,-**

**35%
OFF**

**TUR COS DI CUSHINA
TUR COS DI CAS
TUR MATS DI BAÑO
TUR TAPIJT/MATS
TUR FLOWER VASE
GIFT ARTICLES
TUR PHOTO FRAME
TUR COI HUNGA
(AFL.10,- Y PARIBA
TUR GLASSWARE**

BIG SALE / SALE GRANDI

20%

**TUR PAÑA DI CAMA / BABY WALKERS / BABY STROLLERS
HIGH CHAIR / BABY BOX / LAUNDRY BASKETS / WASTE BINS / CURTAIN**

SUPER SHOPPING

OOSTSTRAAT # 5 • Tel: 582-2818 • HABRI NONSTOP 9:00-6:30 / DIASABRA 9:00-7:00

SUPER SHOPPING SUPER SHOPPING SUPER SHOPPING SUPER SHOPPING

*** SALE * SALE * SALE * SALE * SALE * SALE * SALE * SALE ***

Segun Raad van Advies:

Begroting 2015 tin pata pata di tubo!

Begroting ta ficticio cu yen engaño... Leynan pa cobranza di tankero ni parkeerplaats no ta cla!

Segun Raad van Advies su conseho reciente di begroting 2015, e begroting 2015 tin un cantidad di cifranan ficticio y mentiroso.

Pa menciona un di nan, segun Gobierno di AVP, cu nan lo bay ricibi 4 milyon florin na inkomen via di Directie Scheepvaart. Aki ta trata un ley unda Directie Scheepvaart lo bay cobra bunker y barconan un tipo di cobranza pa nan parkeer den awa teritorial di Aruba.

Na varios ocasion e bunker- of tankeronan aki ta staciona pabao di Aruba mientras nan ta warda turno pa drenta

PDVSA na Venezuela of mientras nan ta warda riba orden pa e direccion cu nan tin cu vaar. Segun un ley nobo cu Gobierno kier introduci, e bunkernan aki lo bay paga cual pagonan lo suma 4 milyon florin na entrada pa Gobierno a 2015.

Raad van Advies a considera e suma aki uno ficticio, pasobra cu e ley pa por cobra e bunkernan aki no ta cla ainda y tampoco nan ta pre mira cu e lo keda cla ni pa mey di aña.

Bisando esaki, ya caba por mira cu e begroting di 2015 ta traha ariba yen di suposicion cual tur ta

bira ficticio. Esaki lo bay conduci na menos entrada y esaki lo bay haci cu e deficit di aña 2015 lo bay ta mucho mas grandi cu loke actualmente gobierno tin presupuesta.

Mescos ta conta pa Arubus, unda Gobierno a reduci subsidio pa Arubus cu 1.2 milyon florin. Aki tambe segun Gobierno, cu Arubus lo haya entrada via di Arupark, es decir ora cu cuminsa cobra pueblo pa staciona den Oranjestad.

Segun Raad van Advies cu esaki tampoco nan no ta premira cu lo bay keda cla, pasobra ya nos ta drentando 3 pa 4 luna di aña y tur e leyman aki ta

leu di keda cla.

Tur esaki ta haci cu e begroting di Gobierno ta irrealistico y inrealizabel.



Bisti ho helm pa tubo no dal bo!

Con pa haya bo ZorgPas nobo?

Na 2015 mayoria di e caarchinan di AZV ta caduca. AZV ta manda un carta pa tur asegurado pa avisa ki periodo por bin busca un caarchi nobo.



Hiba e carta cu bo a ricibi pa AZV Oranjestad of San Nicolas



trece bo caarchi bieuw



y 10 florin



Si bo no tin bo caarchi bieuw



e gastonan ta 20 florin



y bo tin cu trece un identificacion valido



Pa actualisa e caarchi, un potret nobo lo wordo saca



facebook.com/AZVAruba

Oranjestad
Rumbastraat 21 (Camacuri)
tel.: 527 9900
fax: 583 0977

San Nicolas
Pastoor Hendrikstraat 10
(ImSan)
tel: 584 0030



OPORTUNIDAD PA TRABAJO

DON PINCHO TA BUSCA

• UN KOKI

YAMA PA UN CITA NA:



585-1533/ 585-8459

Aviso

Sary Beauty Salon y Spa

ta anuncia na tur su
clientela cu nos a MUDA
pa MACUARIMA 84
pazuid di
Jr Autocenter. Yama
585-0395 of
747-7282.



Danki pa bo comprension.

Sary

MADURO HEAVY EQUIPMENT N.V.

**Santo pa Basha, Santo
pa Pleister, Crushed
Sand, Piedra, Tera pa
Mata, Graniet. Tambe
nos ta Rosa Tereno,
Coba Pos y Fundeshi.**

ROOI BOSAL 49

TEL.: 585-1708

FAX.: 585-6299



Drs. Booshi Wever di UPP: TOCANTE SITUACION DI SCHOOLGELD:

UPP CU PREGUNTANAN ABIERTO NA GOBIERNO, PARLAMENTO, SKOA Y SIMAR

Cu hopi atencion partido UPP ta bin ta sigui e desaroyo tocante e aumento di e asina yama "schoolgeld" pa loke ta concerni schoolnan cu ta cay bo di Stichting Katholiek Onderwijs Aruba (SKOA). Mirando cu e siman aki SKOA ta habriendo no solamente inscripcion, sino un re-inscripcion pa schoolnan catolico, sin cu e asunto di e aumento aki no a keda regla ni cu Gobierno, ni cu e mayornan, UPP ta kere ta bon pa por medio di un carta abierta haci algun pregunta tanto na Gobierno di Aruba, como na e prome responsabelnan pa nos educacion aki na Aruba, na Parlamento di Aruba cu tin di controla gobierno, directiva di SKOA cu tin di percura pa educacion wordo duna, y tambe na SIMAR, cu ta representantenan di e maestronan, cu te dia di awe nos no a tende mucho di nan ainda.

Pa cuminsa nos tin di apunta, cu nos estado di derecho, anca den Constitucion di Aruba, ta provee claramente den articulo 1.20 cu enseñanza mester ta un asunto di "aanhoudende zorg", loke ta significa cu Gobierno mester garantiza educacion/ enseñanza general, paga for di caha di Gobierno (lesa pagadornan di belasting). Naturalmente tin diferente otro aspectonan cu ta wordo regla detayadamente den otro leyman, manera esunnan di ley pa enseñanza preparatorio, basico, special y avanza.

Gobierno pues na ningun momento por core pa su responsabilidad. Nos constitucion mes tambe ta deriva for di esun Hulandes, cu hasta ta bay mas leu ainda. Pero en todo caso, banda di e ley aki nos tin di reconoce cu tin aspectonan di ley internacional cu tambe ta valido pa nos. Particularmente e ley internacional/ tratado di Derechonan di Mucha. Articulo 28 ta papia cla aki cu mucha tin derecho riba enseñanza basico cu ta gratis y obligatorio. E demas leyman menor cu ta regla nos enseñanza pues, ta sali for di e principionan aki. Pues loke ta bin ta sucediendo na e momentonan aki, esta cu SKOA, dor di no por yega na un conclusion satisfactorio cu Gobierno, ta tira tur peso riba e mayornan, na unda cu poco poco nos ta bolbe ta creando un enseñanza di clase (mescos ora ta papia di husticia di clase). Mientras cu school basico mester ta gratis y obligatorio (un ley cu recientemente a keda pasa por cierto), nos ta wak cu ta exigiendo un "schoolgeld", cu ya caba a wordo tolera na un suma cu tur hende a acepta.

UPP p'esey tambe ta kere cu mayornan tin e derecho di keda sin paga e aumento cu a wordo presenta, mientras cu e asunto di re-inscripcion tampoco segun nos no ta na su lugar, mirando cu ya caba e alumnonan cu ta bishitando scolnan di SKOA, ta inscribi.

*Nos preguntanan na Gobierno ta:

1. Kico ta para cu e muchanan, na momento cu SKOA realmente nenga alumnonan nobo y alumnonan cu no a re-inscribi, un cupo na e school? 2. Ki plan di contingencia minister di

enseñanza tin pa acapara e posibel rechazonan di alumnonan na schoolnan catolico? 3. Gobierno ta preparando suficiente cupo na e schoolnan publico y tambe maestronan pa por educa nos muchanan cu wordo nenga? 4. Minister a sinta cu e Departamento di Schoolnan Publico pa trata e posibel alternativanan?

* Tambe UPP tin pregunta pa Parlamento di Aruba: 1. Ki accionnan Parlamento di Aruba a tuma te na e momentonan aki? 2. Dicon no a yama reunionnan cu stakeholders y no a yama minister di enseñanza "ter verantwoording"?

* Nos preguntanan na SKOA ta: 1. SKOA a studia e materia aki debidamente pa asina evita di por haye den problemanan huridico pa motibo di ta trapa riba derecho y obligacion di enseñanza di e mucha cu nan nenga un cupo?

2. SKOA ta consciente, cu e subsidio cu e ta hayando, ta mara na e cantidad di alumnonan cu wordo inscribi na cada scol, y cu den caso di un disminucion den e cantidad, esaki tambe ta encera un rebaho riba e subsidio?

3. Con SKOA lo sigui atende cu su gastonan di salario di maestronan, mantencion, etc. na momento cu bini un reduccion riba e subsidio cu lo ricibi pa cabez di alumno?

* Preguntanan cu UPP tin pa e representacion di maestronan:

1. Kico ta e motibo cu te ainda sindicato SIMAR no a pronuncia su mes den e asunto aki? 2. Kico sindicato ta pensa riba e derechonan inalienabel di nos muchanan riba enseñanza gratis? 3. Sindicato SIMAR a prepara su mes den caso cu bini un reduccion di e subsidio a causa di un caida di alumnonan, pa loke ta trata cortamento den sea salarionan di maestro of cuponan di trabao di maestro?

Pa UPP esakinan ta preguntanan importante pa atende, y cu ta bon pa nos Pueblo haya e claridad necesario riba e asuntonan aki. For di un prome momento, UPP no tabata kere cu mester a bringa e aumento di "schoolgeld" aki simplemente como un gasto adicional (loke e ta tambe, esta un peso extra den e temponan dificil aki), sino mas bien riba e aspecto legal y di nos estado di derecho y e derecho di e mucha. UPP, manera nos a vocifera den nos programa di Eleccion 2013, ta kere den un enseñanza cu ta duna tur individuo e oportunidad igual pa asina desaroya su mes, ya cu enseñanza mester keda un enseñanza di INCLUSION y no di EXCLUSION. Si e "toets" cu ta wordo haci hustamento ta percura pa exclusion, nos ta kere cu "schoolgeld" tambe lo desemboca den exclusion.

UPP ta urgi na mayornan, pa bira mas critico y no sin mas doblega pa un asunto cu parce di ta regla caba entre Gobierno y SKOA, apesar cu tur e comediantan cu ta wordo hunga, ta pretende lo contrario.

Recordando 25 di Maart 1977:

Awe 38 aña pasa e promer Referendum den Reino Hulandes a tuma lugar



Fuera di Augustus 1977, luna di Maart tabata un di e lunanan di mas importante den e lucha di nos pueblo pa su libertad, su Status Aparte. Asina nos a conoce e fecha di 16 di Maart 1976 (aceptacion di nos himno y bandera den Eilandsraad), 18 di Maart 1976 (inauguracion oficial di nos himno y bandera den Wilhelminastadion), 12 Maart 1983 (aceptacion di nos Status Aparte na final di Conferencia di Mesa Rondo na Den Haag) y un fecha manera awe 38 aña pasa, esta 25 di Maart 1977, caminda e promer Referendum consultativo a ser organiza den Reino Hulandes y esaki tabata na Aruba.

Dos alternativa

Nos tur por corda ainda e lucha tenaz cu a wordo hiba den añanan 70 pa nos lider inmortal Betico Croes y MEP, esta pa saca Aruba for di e constelacion Antiyano di 12-8. E pueblo Arubano semper a kere fielmente den Betico Croes y su partido MEP y na varios ocasion esaki a ser

manifesta den e eleccionnan promer cu 1977, esta cu nos partido a ricibi mayoria absoluto, tanto den eleccion di Staten na 1973 como di Eilandsraad na 1975. Sinembargo e temponan ey nos opositornan politico constantemente tabata cuestiona cu si MEP di verdad tin e mandato pa realiza e causa di e pueblo Arubano. Ta pesey mes Gobierno di Aruba a dicidi pa organiza un Referendum consultativo den cual riba e papel di vota (stembiljet) a aparece dos alternativa, esta 1. Vota pa mantene Aruba den un Federacion di 6 isla, of 2. Vota pa un Aruba Independiente. Ora cu Gobierno di Hulanda y Gobierno di Antiyas a tende di e plan pa un Referendum, ambos gobierno a declara inmediatamente cu esaki no por, ya cu Statuut di Reino no ta duna espacio p'esaki. Sinembargo Betico Croes no tabata un politico di "Ja Baas", pero a dal bay cu su plan visionario pa organiza e Referendum. Un comision pa informa pueblo debidamente

y bao guia di sr. Carlos Bislip a haci un bunita trabao e tempo ey.

Boycot total

"Vox Populi Vox Dei" (Voz di Pueblo ta Voz di Dios) tabata e lema usa durante e temporada di preparacion y campaña pa e Referendum. E referendum - bao supervision di varios observador for di exterior - a tuma lugar dia 25 di Maart 1977 y pueblo den su mayoria di 82.5 % a vota pa e opcion di Independencia. Alavez no mester lubida cu Betico Croes como un berdadero social democrata a duna tur hoben di 18 aña cu a nace aki y cu no tabata Hulandes, pero si inscribi na Censo, e derecho pa vota.

Aki nos mester para un rato keto pa recorda pueblo con partido AVP a pidi pueblo pa no perde tempo cu e Referendum y te hasta a pidi nan hendenan pa bay lama, tene barbecue cu henter famia y p'asina demostra nan boycott total contra e Referendum aki. Sinembargo e pueblo Arubano den un forma



positivo a responde na e yamada pa Referendum. Cu e resultado aki Betico Croes y MEP a haya e mandato pa transmiti na tur instancia local y internacional e deseo di e pueblo Arubano pa su libertad. Gobierno Antiyano y di Hulanda a menosprecia y bagateliza e resultado abrumador di e Referendum y hunto cu AVP tabata yame ilegal y sin ningun valor alguno. Hecho ta cu 30 aña despues tanto Hulanda y tur

e islanan di Antiyas tambe a sigui e ehempel di Aruba y a tene diferente Referendum riba tereno di estructura estatal y constitucion Europeo, mientras cu no tabata tin nada regla den nan constitucion. Asina pues e pueblo Arubano lo sigui recorda cu hopi aprecio y respet e Referendum di 25 di Maart 1977 cu a wordo realiza danki na e vision y curashi di e gran estadista, Libertador Betico Croes.



Asina'ki AVP a lucha pa nos Status Aparte

Mr. Evelyn Wever-Croes, lider di MEP: Fraccion MEP a pidi reunion pa debati riba situacion financiero di WEB

Dos siman pasa a tuma lugar e reunion den Parlamento tocante hedging y hopi informacion alarmante a sali di e reunion aki, entre otro cu nos compania nacional di Utilidad, WEB su situacion financiero ta hopi delicado.

WEB ya no por paga tur su debedornan y esaki ta debi cu WEB a inverti den diferente proyecto di energia alternativo. Tambe tin informacion ta circula, no confirma, cu gobierno mes tin un debe astronomico na WEB y Elmar di casi un aña sin paga coriente.

Esaki a resulta cu na e momentonan aki e compania WEB ta pasando den un situacion financiero basta precario cual merece atencion di nos parlamento, pa evita cu ta pueblo lo tin cu paga pa tur esaki atrobe.

En conexion cu esaki fraccion di MEP a manda pidi un reunion publico pa asina por debati riba e situacion financiero y WEB su envolvimento cu diferente proyecto. E ta hopi importante pa pueblo por ta na altura con serio e problemanan financiero di

WEB ta, kico a causa nan, ken tin di para responsabel pa esaki y tambe ki efectonan e diferente proyectonan tin riba WEB y pa nos parlamentario cuestiona a balor agrega di cierto proyectonan cu supuestamente ta pa yuda baha gasto, pero de facto a hinca WEB den hopi problema financiero.

Nos fraccion ta spera cu e reunion aki por wordo yama pa pronto nos haya mas claridad riba e situacion financiero di WEB.



STATEN VAN ARUBA
Fractie Movimiento Electoral di Pueblo

Na Presidente di Parlamento
Sra. Marisol Lopez-Tromp
Alhier

Aruba, 23 maart 2015

STATEN VAN ARUBA

Ingek: 23 MAR 2015

Volgnr:

Ref- Peticion pa un reunion publico referente situacion financiero WEB

Respetabel Sra. Lopez-Tromp,

Pa medio di esaki den nomber di Fraccion di MEP nos ta pidi pa yama un reunion publico a corto plazo pa asina trata situacion financiero di WEB y su coneccion cu e proyectonan di energia alternativo pa por cumpli cu e vision 2020 di Gabinete Eman.

Pa e reunion aki nos ta pidi pa invita Minister encarga cu Utilidad sr. M. de Meza. Nos fraccion ta spera riba un contesta positivo, nos ta termina.

Atentamente

Fraccion di MEP

Thais Franken, estudiante OGM:

E programa di OGM na Universidad na Aruba:

E comienzo di oportunidadnan valioso

"Na e aña 2013 mi a gradua na Colegio Arubano, den espera pa un comienzo nobo. Den e temporada ey mi a dicidi pa no bay studia afor. Na mi fabor, mi a tuma e decision pa inscribi na e Facultad di Accounting, Finanzas & Marketing na Universidad di Aruba, teniendo na cuenta cu esey tabata mi unico opcion. Lamentablemente, e estudio aki no a cuadra cu mi personalidad y mi interesnan personal. Despues di tempo mi a bin den contacto cu e bachelor programa cu yama Organization, Governance & Management (OGM) y mi a sinti cu ainda tin speranza pa mi aki na Aruba. Mi a bira hopi interesa ora mi a lesa conceptionan manera perspectiva di organizacionnan, sociologia, gobernacion y manejo. Mi tin di bisa cu, uniendo mi mes na e programa di OGM tabata e mihor decision cu mi a tuma den mi viahe academico. Te cu awor como un estudiante di prome aña di OGM mi a logra traha riba hopi proyecto hunto cu mi coleganan, mi a participa den un Field Study na Monumentenfonds Aruba, mi a bishita Aruba Animal Shelter pa haci un investigacion y actualmente mi ta trahando riba un proyecto na Serlimar Sui Generis. Mi ta rondona cu colega- y docenten cu ta encurasha otro. E no tabata y ainda no ta facil pa balanza mi bida academico y mi bida personal. Pero, mi ta enfoca riba un meta, pa termina mi bachelor program cu un sonrisa riba mi cara. Pa conclui, mi lo kier comparti un citacion di Malcolm X. cu ta bisa; "Educacion ta nos paspoort pa futuro, mañan lo pertenece na e personanan cu ta prepara pe awe". Pa mas informacion tocante e OGM bachelor programa di 4 a a mi ta referi na e anochi di informacion cu lo tuma lugar dia 26 di Maart na Universidad di Aruba, J. Irausquinplein 4, Oranjestad di 6 pa 9 p.m. Mi ta referi tambe na nos website: <http://www.ua.aw/ogm> of e Facebook page:

<https://www.facebook.com/pages/University-of-Aruba-OGM-Organization-Governance-Management-FAS/>



Solo Local.....

A detene 4 empleado di e aerolinea Laser cu a sconde cocaina den avion



Ministerio Publico a logra wanta cuatro empleado di e aerolinea Laser y un agente di seguridad di e empresa VeneAVSec, kendenan a keda deteni siman pasa a wordo gara, tras di e incautacion di siete panel di cocaina den un vuelo di e compania aereo cu tabata tin como destino Aruba.

Den e audiencia di presentacion, fiscalnan y fiscalnan auxiliar di e estado Vargas Jeilan Sandoval y Joycemar Garcia, respectivamente, a imputa e inspector Pedro Delgado, e supervisor Franklin Vilorio y e tecniconan aeronautico (mecanico) Rauger Perez y Carlos Verherl, mescos cu e agente di seguridad Yefferisson Romero, pa e presunta comision di e delitonan di trafico di substancianan prohibi y psicotropico den e modalidad di transporte y asociacion pa comete un crimen. E delitonan referi a keda premia y sanciona den e leyman organico di Droga y contra e Delincuencia Organiza y Financiamiento

na Terrorismo. Un biaha evalua e elementonan di conviccion presenta y dilanti e solicitud di Ministerio Publico, e di 4to tribunal di Control di e hurisdiccion a dicta medida privativo di libertad contra e cinco hombernan, kendenan lo permanece cera den e Internado Hudivial Rodeo III, ubica den e estado di Miranda.

Diarazon ultimo, dia 18 di Maart, un agente di siguridad di turno di e mainta, a realiza un chequeo rutinario di e avion prome cu el a bay su destino, debi cu e aeronave a pasa e anochi den e terminal aereo. Durante e revision, e funcionario a haya dentro di un baño e evidencia cu tabata pisa ocho kilo cu 270 gram di e droga menciona. Una vez notifica e situacion, Ministerio Publico a coordina e diligencianan di investigacion cu e efectivonan di Guardia Nacional Bolivariana a practica, cu a conduci na detencion di e sospechosonan.

Miembronan di directiva di ECASC, Endy Croes y Chipen Chirino a sali pa Congreso na Nassau Bahamas

Na Bahamas lo bay tin eleccion pa Directiva nobo



Presidente y Vicepresidente di Aruba Softball Bond, sr. Endy Croes y sr. Chipen Chirino a sali recientemente pa Nassau Bahamas. Endy Croes ta vicepresidente actual di ECASC mientras Francisco "Chipen" Chirino ta board member den dicho directiva. ECASC ta English Caribbean Amateur Softball Confederation cual a wordo institui na Mei 2010 den presencia di Don Porter, ex -president di ISF. Miembronan di ECASC ta islanan den Caribe cu un populacion di bao 2 milyon habitante. Esaki lo crea espacio pa

islanan riba un mesun nivel competi contra otro y clasifica asina pa otro campeonatonan mas grandi. Dia 25 di Maart mainta lo bay tin un Congreso unda alavez tin eleccion pa un directiva Nobo. Tanto Endy Croes y Chipen Chirino a wordo postula pa candidato como miembro di Directiva di ECASC pa un periode nobo di 4 aña. Islanan mas cu claro lo evalua trabaonan di ultimo 4 añanan y lo deposita nan confianza den esnan cu nan lo kere cu por haci e trabao. Endy Croes kende a fungi como Director General di Softball durante

World Games cu a tuma lugar na Cali na Juli/ Augustus 2013 lo mester presenta su rapport final riba World Games na ECASC comokiera cu e equipo cu a gana ORO den campeonato di ECASC cual porcierto tabata Aruba, a presente ECASC, esta islanan den Caribe e tempo aya den World Games. Dirigentenan di diferente isla a postula nan mes disponibel pa diferente función. Pues interesante pa mira si Endy Croes y Chipen Chirino lo regresa den e Directiva nobo. Éxito na nos dirigentenan internacional di Aruba.

Awe24.com.....

Accidente cu 3 auto involvi na e cruzada di Meiveld patras di ex-Codemsa

Diamars mainta a drenta informacion di un accidente na Meiveld. Mesora a dirigi un patruya na e sitio. Na yegada di e patruya a bin compronde cu aki ta trata di un accidente entre 3 auto unda cu un Vwagen. E Chevrolet Aveo blanco V137 cu tabatabin di p'ariba

a bira bay zuid dilanti e Suzuki Alto A36262 sin dun'e preferencia y a bay dal den dje esaki a pone e Aveo drey y touch raspa e Kia Rio cu tabata para pazuid na e cruzada. Afortunadamente ningun hende a resulta herida.



Chauffeur a perde control y a bay dal riba un cura di cas na Savaneta



Diamars mainta a drenta informacion di un accidente cu hende herida na Savaneta. Mesora a dirigi tanto polis como ambulance na e sitio. Na

yegada di e patruya a bin compronde cu aki ta trata di un accidente unda cu e chauffeur di e auto a perde control baha caminda y a bay dal riba e cura di e

cas Savaneta 536. Door di e impacto fuerte e chauffeur a resulta herida, na yegada di e ambulance nan a atende e victima y a hibe pa hospital.

Chauffeur a bay cambia di banda pero no a mira cu un taxi tabata bin

Diadomingo atardi a drenta informacion di un accidente banda di Valero Boulevard. Mesora a dirigi un patruya na e sitio. Na yegada di e patruya a bin compronde cu aki ta trata di un Toyota Yaris cu tabata bayendo direccion pariba a bay cambia di direccion pa pasa na e otro banda pa bay nort pero a haci esaki net ora un taxi tabata biniendo y nan a dal den otro. Afortunadamente



ningun hende a resulta herida.



Solo Local.....

PwC Leadership Academy 2015 cu un comienso exitoso

Oranjestad – 20 Maart 2015 – Den luna di Maart PwC Aruba a inicia e comienso di e aña academico nobo di PwC Leadership Academy 2015 cu un kick-off event na Universidad di Aruba. Cu un grupo di 65 managers y supervisors cu ta consisti di sector publico y priva situa aki na Aruba a forma parti di e Managerial Leadership cu ta ser duna door di PwC Aruba cu colaboracion di Universidad di Aruba durante e aña calendario di 2015.

Despues di un palabra di bon bini door di e rector di Universidad Aruba, Glenn Thodé, e pintor y invitado special Frank Croes a inicia e tema pa e prome workshop "Leadership from within" cu a hiba e titulo di "I see myself at the centre of the Universe, it starts with me. I must lead my own ship to safe waters, before I can lead others".

E persona tras di e idea di PwC Leadership Academy, Ruben Goedhoop, a finalisa e parti di apertura cu un mensahe na tur e participantenan: "You are our GOAL: Group Of Aruban Leaders, and the Leadership Academy will provide you with the tools and skills to elevate your individual growth". Cu e grupo di participante aki y e alumni (un total di 170 participante!) PwC y Universidad di Aruba kier pa medio di e Academy kier logra aporta na e desaroyo di e participantenan, organisacionan y na final Aruba. "Your individual growth will potentially lead to organizational growth, which will hopefully lead to the growth of the nation" Ruben a continua.

Na final di e workshop, a tuma lugar un evento pa network unda participantenan a ricibi diferente tareanan. Door di e manera aki, participantenan por a minimalisa e barrera di "networking" y amplia nan mesun network na Aruba. Durante e network event, Frank Croes a revela su pintura "The power from within" locual e la finalisa dentro di 2 ora den e aula di Universidad di Aruba. E pintura a wordo pinta special pa e Leadership Academy 2015 y ta symbolisa e importancia di e cambio den bo mes pa por cambia bo ambiente.

E programa di leadership ta consisti di un ciclo cu lo tuma luga pa cuater kwartaal tocante temanan di liderazgo. E ciclo ta consisti di un workshop, un session di coaching y un network event. E exito di e programa ta e combinacion di teoria y practica y e hecho cu e participantenan lo bin periodicamente den contacto cu e tema di liderazgo ("leadership needs to stick"). Durante e workshop lo ser splica e diferente teorlanan y modelonan di liderazgo y participantenan ta ser puntra pa comparti nan experencianan. Ademas durante e aña, tur participante por haci uso di un portal riba internet pa asina amplia nan conocimiento cu diferente materialnan y teorlanan tocante liderazgo. Esaki ta wordo agrega door di Universidad di Aruba. Parti integral di e PwC Leadership Academy ta e Masterclass Leadership cu lo tuma lugar na November 2015 y ta habri tambe pa no



participantenan di e Leadership Academy di PwC.

E atencion continual riba e habilidad di ta un lider y e practica diario di e participantenan ta fundamental pa e programa di PwC Leadership Academy y ta "make leadership stick".

Fin di comunicado

Pa redakshon:

1. PwC Dutch Caribbean ta eksisti 75 aña. En total mas ku 170 hende ta traha pa PwC Dutch Caribbean cuater ofisinnan na Aruba, Boneiru, Kòrsou i Sint Maarten. PwC Dutch Caribbean su trabou ta pa yuda organisacionnan i personanan pa krea e balor ku nan ta buska. Nos ta miembro di un ret di oficinanan di PwC ront mundo den 158 pais i ku mas di 180.000 empleado. Ta nos tarea pa presenta kalidat den nos trabou cu ta den e areanan di servisionan di auditoria, impuesto i asesramento. E cliente mester djs bisa nos kiko ta importante p'e. Pa mas informashon bishita www.pwc.com/dutch-caribbean.

2. PwC ta referi na e ret di PwC i/of un of mas



di e firmanan miembro. Di cua cada un tin nan mes entidat huridico. Pa mas informashon tocante e tema aki por bishita www.pwc.com/structure.

3. I si boso ke mas informacion tuma contacto ku : Sander Maduro, tel: +297 522 1647, e-mail: sander.maduro@an.pwc.com

of: Viviana Mc Donald, tel: +297 522 1647/522 1623, email: viviana.mcdonald@an.pwc.com

4. Awor por sigui nos na Facebook i LinkedIn tambe via di: www.facebook.com/PwCDC i www.linkedin.com/company/pwc-dutch-caribbean.

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

Awe24.com.....

SUBWAY JUDO CHALLENGE 1 - UN EXITO ROTUNDO

Diasabra ultimo a tuma lugar e Subway Judo Challenge 1 riba parkinglot di Subway Palm Beach. Esaki tawata e promer di tres Judo Challenge y como patrocinador Subway kier a sali en grande. Subway ta conoci pa ta un organizacion cu ta yuda promociona deporte pa asina aumenta e cantidad di participante y miembran activo den deporte. E biaha aki a toca turno pa yuda Aruba Judo Bond cu e organisacion di e challenge aki cu tabata un exito rotundo.

"E atardi tabata uno ameno y diferente, caminda

cu a crea un area di combate innovativo ariba un area di 200 vierkante meter. Peleanan fuerte y interesante a tuma lugar cu a hala hopi atencion di esnan presente incluyendo automobilista cu a para nan auto pa asina tambe presencia locual tabata tuma lugar e momento ey.", Sr. Lee di Subway Aruba ta bisa.

Sra. Maruska Croes, vice presidente di Aruba Judo Bond a laga sa cu tabata tin mas di 75 pelea den categoria di Infantil, Cadet, Junior y Senior. Ademá tabata tin un show di Fiderd Vis, kende



a representa Aruba na varios competencianan internacional incluyendo Olimpiada. Sra. Nicole Hoevertsz como tambe Sr. Edmundo Josaih di COA tabata presente pa haci entrega di premio hunto cu Sr. Lee. Tawata tin dino jump pa e muchanan y

musica pa Dj 101.

E resultadonan ta como lo siguiente:

Aruba Judo Bond conhuntamente cu Subway kier a gradici tur esnan cu a bin, incluyendo e dos gruponan di welp

cu a asisti na e evento aki y a forma parti di e apertura oficial. Ariba a potretnan por mira mas di e tremendo evento aki patrocinado pa Subway. Keda pendiente pa Subway Judo Challenge 2.



pool 1	pool 7	pool 13
1st Rylan Semeleer	1st Rayenne Ridderstap	1st Theron Farro
2nd Jarred Rosenstand	2nd Madelyn Macnack	2nd Brandon wong
3rd Nigel Henriquez	3rd	3rd Yuri Koffy
pool 2	pool 8	pool 14
1st Aleeza Semeleer	1st Gavin de Bevere	1st Kayla Schippers
2nd Carolina Sotelo	2nd Jean Marc Rosenstand	2nd Mariee Venegas
3rd Quiana Schmidt	3rd Terentius Daly	3rd
pool 3	pool 9	pool 15
1st Celine Franken	1st Ethan Quandt	1st Isaac Croes
2nd Casien Tromp	2nd Dennis De cuba	2nd Dietrich van Gobbel
3rd	3rd Patrick Willems	3rd Eric Huang
pool 4	pool 10	pool 16
1st Lyon Harms	1st Kiara Petrochi	1st Nigel Leon
2nd Jaime Dongen	2nd Sofia Petrochi	2nd Germain Zijlstra
3rd Yahreal Marquez	3rd Lakesha Daly	3rd Erick Vinck
pool 5	pool 11	
1st Alexander van der velde	1st Emmazira Kelly	
2nd Michael Dennert	2nd Rashyllenne Ridderstap	
3rd Derek Winterdaal	3rd	
pool 6	pool 12	
1st Richard Sotelo	1st Jean luc Harms	
2nd Anthony Willems	2nd Kyle Schippers	
3rd Lyell Bernadiina	3rd Ky-mani Samuels	

Solo Local.....

Exitoso seminarionan cu Terry Lemerond Awe nochi ta: Thyroid (Schilddklier)!

Dialuna y diamars a tuma luga na Alhambra Ballroom 2 seminario sumamente interesante y exitoso organiza pa Nature's Discount tocante alternativanan natural pa deshaci di dolor y inflamacion y tambe antioxidante y nan beneficio. Sr. Terry Lemerond kende ta experto den medicina natural conoci mundialmente a presenta e dos seminarionan aki cu un tranquilidad y sabiduria cu a laga tur hende comprende tur cos hopi bon.

Awe nochi lo tin e di tres y ultimo seminario y e topico lo ta Thyroid (Schilddklier). Hopi ta esnan cu ta sufrí di problema di Thyroid, esaki ta conta tanto cerca hende muhe y hende homber. Problema di Thyroid ta causa sintoma manera cansancio, aumenta peso, cabey ta cay, sinti malo constantemente, cuero seco y regularmente haya griep y verkoud. Terry lo splica ta dicon e sintomanan ta manifesta nan mes ora cu e Thyroid no ta traha bon, kico ta causa cu e Thyroid no ta traha bon, kico ta e recomendacion pa hende mehora su Thyroid. Tambe kico ta e beneficio di un Thyroid cu ta funciona optimal.

E presentacion awe nochi lo tuma luga na Alhambra Ballroom di 7:30pm pa 9:30pm. Cada participante lo ricibi diferente handouts cu informacion y tips pa



un mihor salud y tambe lo tin chens pa haci tur pregunta.

Tickets ta obtenibel na Nature's Discount Palm Beach, Seroe Blanco y Pos Chikito. Entrada di solamente Fls. 12.50 pa carchi y pa miembro di Nature's Discount ta Fls. 7.50. Pa mas informacion por yama na 588-0056.

TA BENDE

Cas na Oranjestad den bon
Condicion, 3 camber, 2
baño y 2
Apartamento situa cerca
di centro di
Cuidad. Afl. 410.000,--
Yama 593-7118

Accion di Cuaresma

Mi tabatin hamber, bo a duna mi di come. Mi tabatin sed, bo a duna mi di bebe.

Durante cuaresma lo haci entrega di cuminda saludabel na tur cu ta den e nesesidad aki.

No ta pidi ningun donacion. Solamente pa ta solidario, yama, duna nomber y adres, pa asina pa medio di bo yamada por entrega e cuminda na cas.

Telefoon: 583940/5928057

Digna Geerman

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

**Con pa
abona na
Solo di
Pueblo?**

Facil...

**Yama nos
oficina na
585-9500
y nos lo
entrega
bo corant
tur mainta
tempran den
bo porta di
cas.**

**Costo di
Abono: Afl.
35.00 pa
luna**

Ta huur

Un apartment na
Palm Beach
1 kamber, 2
baño, sala, A/C,
comedor,
Cu propio
stacionamento. Afl
1500,00 luz y awa
apart.

Pa mas info yama
744-8224 of 740-
6618

**Tip line
7380101
solo di
pueblo @
gmail.com**

Solo Local.....

Asina Classic Car Club Aruba a celebra 18 di maart 2015

Conhuntamente cu tur miembro a tene un corremento cu e auto nan classico, saliend for di dilanti misa di Tanki Leendert direccion Noord pasa dilanti e hotelnan y rumbo pa San Nicolas.

Nos a staciona dilanti Cheesy Corner/Macro Supermarket y a wordo entereni cu musica di Buleria y Tsunami, cu un publico hopi grandi,

Un bar y cushina bon surti y tambe grupo nan folkorico cu nan baile.

Pabien Aruba.



COME ENJOY...!!!

WRESTLEMANIA

Date: March 29th
Time: 7pm

AT:

MOTEL SAN NICOLAAS

Sports Bar/Restaurant

Pastoor Hendrickstraat 6A - Pabou Centro Medico (INSAM)

POWERED BY: Budweiser

BUCKET DEAL: 7 BOTER DI BUDWEISER PA 25FLS.

The Biggest Screen Uptown



Aruba Quality Deals tel: 5694343.....

Ta cumpra vehiculo

Ta cumpra tur clase di vehiculo
Ta cumpra tur modelo di vehiculo sin jun esepshon
yamami :5694343

Ta buska cas of apartment complex pa Huur y tereno priva pa cumpra

Ta busca apartment of Cas di dos camber pa huur jamami
:5694343

Aruba Quality Deals

BMW 728i Vehiculo luhoso.
Tur cos ta traha . Motor den
top condition.Year. 2001.Prijs:
9 mil florin

Yamami: 5694343



Aruba Quality Service

Since 1980 giving service

Ta Drecha tur
modelo di holoshi
disenja y original Ta
Drecha holoshi nan
antique Ta Ofrece
Personal cu 30
anja di experencia
Yamami :5694343



Quality House's

Santa Cruz

Bedrooms :3

Bathrooms :2

Include :kitchen , dining room, livving room.

Leas land 653 m2

Market value awg. 255.475

Execution value awg.191.606

Asking price awg.235000

Built up area :97m2

In a beatifull neighbourhood with nature.

Yanana

House built up area aproximatly 460 m2

3 bedrooms

2 bathrooms

Large living room ,kitchen and dining room .

House needs renovation.

Land :private property aproximatly 600 m2.

Asking price: awg .250.000 and negotiable.

Sero Preto.

Land: private property.

Bathrooms :2

Bedrooms :3

Walking closet.

Kitchen, dining room and living room.

House is private.

In a quiet, peachfull and island feel neighbourhood.

Price :awg. 300.000

Savaneta

Lease land of 350 m2

Built up area 300 m2

Bedrooms :3

Bathrooms :1

Large kitchen with dining room.

Large living room.

Price: awg.480.000 and negotiable.


House is in perfect location for bussiness.

Aruba Quality Service

Servicio di Drecha Imagen

Personal cu hopi
experencia
Ta renoba, drecha
y limpia tur clase di
Imagen
di tur religion, y
organizacion.

Yamami :5694343



Aruba Quality vehicle

Mazda Demios 2004.

Full equipped. automatic.
airco.

Prijs :5000 florin



Toyota Camry 2002

Prijs: 12 mil florin

Automatic, full equipped,
airco.

Motor ta excelente



Chevrolet Spark 2007

Full equipped, automatic
cu airco.

Prijs: 6800 florin



Ta cumpra

Ta cumpra tereno priva
entre 400 y 650 metro
cuadra.Den area di
Wayaka Residance of
cualker otro lugar.

Daewoo Lanos 2000.

Automatic. Prijs.3500 fl.
Yamami 5694343



**"Ta cumpra holoshi
di Omega Daña."
Yamami: 5694343**

ALTO VISTA Quality House

**For Sale or For Rent Built on 7o8 sq.m. of
property land, newly renovated 4 bedrooms,
4 bath rooms, swimming pool, fruit trees,
barbecue areaCurrent market value Awg.
810,000 Owner leaving Aruba; will accept only
Awg. 450,000 BARGAIN SALE Call :-586-2255
;569-4343;7336012**



Solo Local.....

FEBRUARI 2015 A CRECE CU 13.9% CU TURISMO PA ARUBA

E luna di Februari tabata fructifero pa cu turismo pa nos isla, na unda 89.991 turistanan 'stay-over' a bishita nos isla. Esaki ta nifica un crecimiento di 13.9%, un total di 11.012 turista mas compara cu e mesun luna di aña pasa.

Pa loke ta trata Februari 2015:

Norte America

For di Merca, un total di 50.737 turista a bin nos isla den luna di februari cual ta un aumento di 5.8% compara cu aña pasa. For di Canada a bin un total di 5.845 bishitante (9.8% mas cu februari 2014). Pa februari 2015, e continente Norte Americano a aumenta cu 6.2% y a representa 62.9% di e 'market share' total di turismo pa Aruba.

Latino America

Latino America a trece un total di 25.852 bishitante pa nos isla cual ta un aumento di 58.3%, un total di 9.525 bishitante mas pa nos destinacion, compara cu Februari 2014.

Si nos analisa esaki pa cada mercado, bishitantenan di Venezuela a subi cu 79.7% (8.327 bishitante mas) compara cu februari 2014. Den cifranan absoluto, 18.779 Venezolano a bin nos isla. Colombia a aumenta cu 2.9%, en total 1.014 Colombianonan a bishita nos isla, cu ta 29 mas compara cu aña pasa. Chile a aumenta cu 26.6%, un total di 1.395 Chileño a bin pasa nan vacacion na nos isla, cu ta 293 persona mas compara cu Februari aña pasa.

For di Brazil, 2.357 bishitante a bin pasa nan vacacion, cual ta 57.7% mas (862 persona). Argentina a bishita nos



isla cu un total di 1.032 turista, cu ta 221 bishitante menos (-17.6%) compara cu Februari 2014.

E continente di Latino America a representa un total di 28.7% di nos mercado di turismo durante Februari 2015.

Europa

Europa a baha cu 19.5% (1.319 bishitante menos) compara cu Februari 2014. Un total di 5.454 bishitante di Europa a disfruta di nos isla durante Februari 2015.

Hulanda a baha cu 18% (605 turista menos cu Februari 2014). Un total di 2.762 Hulandes a bishita nos isla. Alemania a baha cu 3.6% compara cu Februari 2014, cu 9 turista menos pa Aruba. Un total di 244 personanan Aleman a bishita nos isla. United Kindom a trece 262 turista pa nos isla, cu ta 12.9% mas (30 bishitante) cu aña pasa. Italia a keda flat, cu 0.4% (1 turista mas) compara cu Februari 2014. Un total di 248 Italiano a bishita nos. E paisnan di Nordico

a baha cu 43% cual ta 828 turista menos pa nos isla compara cu Februari 2014. Un total di 1.096 bishitante a bin nos isla for di e paisnan aki.

Pa luna di Februari 2015, Europa a representa 6.1% di e total di turismo pa cu nos destinacion.

Turismo Crucero

E cantidad di turismo crucero pa e luna di Februari 2015 compara cu e mesun luna na 2014, a baha cu 5.6%. Un total di 76.067 turistanan crucero a bishita nos isla. Un total di 38 'calls' a yega Aruba. Perspectiva pa e aña aki ta wordo afecta adversamente door di un disminucion pa cu e calls for di Princess Cruise Lines, RCCL, Holland America Line como tambe Norwegian. Recientemente, Gemini a cancela algun calls tambe, causando asina un disminucion den comparacion cu un proyeccion stabil cu tabata tin "on the books" pa e aña aki, compara cu 2014.

Calidad di turismo

Un indicacion di calidad di turista cu Aruba ta atrae ta door di midi e prijs cu e turista ta paga pa camber pa persona, e asina yama 'Average Daily Rate' (ADR). Hopi importante ta e combinacion di por mantene un ocupacion halto sin mester di afecta prijsnan di camber. Segun AHATA pa luna di februari 2015, e ADR a subi cu 11.1% compara cu Februari 2014. Esaki den cifra ta US\$ 289.03 na februari 2014 compara pa US\$ 320.97 na Februari 2015. E ocupacion di cambenan di hotel a subi cu 4.3% den e luna aki cual tabata 81.8% na 2014 pa 86.1% na 2015. E ganashi pa camber, e asina yama REVPAR a subi cu 16.8% di US\$ 236.50 na Februari 2014 pa US\$ 276.29 na Februari 2015.

E total di disponibilidad di cambenan pa anochi a baha cu 9.9%, mientras cu e total di cambenan ocupa pa anochi a baha cu 5.2%.

Esfuerzonan di Aruba Tourism Authority

E crecimiento stabiel di nos turismo ta un confirmacion mas y ta refleha cu e esfuerzonan cu ATA hunto cu partnernan den turismo ta haciendo ta fructifero y ta trece bon resultado pa e industria y cu esaki, pa e economia di Aruba. Tur mercadonan tin su oportunidad y retonan, pero ta trata di capitalisa y na su turno contra aresta unda cu por di e miho manera posibel.

Riba e grafico por mira con turismo a crece pa e ultimo 10 añanan durante luna di Februari.

TA BENDE

Puppies Jack Russel Terrier naci
22 JAN 2015 2F y 2M rabo corta
Ontwormd y 2 prome vacuna.
Prijs ta Afl 700,- y ta haya nan
Cu nan buki vacanta
Pa mas info yama 562-7444

Solo Deporte.....

Ron Martis ta join Buleria



Tyron de Freitas, Rocco Flava y Tommy-Lee Halman a haya un miembro nobo den e "frontline" di e banda di momento Buleria. Desde awor Ron Martis tambe a uni su mes na e grupo. Den e siguiente simannan lo sali un tema promocional di

dje riba mercado, den un esfuerzo pa e banda sigui innova, sigui desaroya y sigui crece!

Ron Martis ta naci na Aruba dia 21 december 1981 y semper a stima musica. "Mi ta corda for di chikito ta purba canta mescos cu e artistanan

di diferente genero cu mi tabata scucha na radio. Semper focus den mi meta pa bira e miho cantante y musico cu mi por ta y haciendo mi best mi a sa di capta hopi atencion di hopi fanatico

den transcurso di añanan na Aruba, Hulanda, Corsou y Boneiro", asina Ron Martis mes ta conta. Cu cancionnan cu a bira popular manera "How U want it", "E mucha di mi soño", "Cos ta hot", "Bisa Mi Number", "Wak bo no ta laat", "E Secreto", "Sex cu mi Ex" y mucho mas, el a sa di crece musicalmente y awor ta cla pa subi escenario grandi y sigui pa e siguiente nivel.

Buleria ta masha contento di tin Ron Martis den nan team! Su habilidad como artista sigur ta cuadra perfectamente cu e ideologia di e banda.

Pa por cera conoci cu e cantante nobo, Buleria lo presenta diabierna awor den e Happy Hour na pool di La Cabana Resort hunto cu mas banda local. Diasabra Buleria lo toca na Sand Bar unda tambe lo presenta nan cara nobo. Pasco Grandi dia 5 di april proximo, Buleria lo presenta den WTC na Corsou, den un evento yama "Choco Latin edition XXL", hunto cu ERA Autentico, DJ Chris Strick y DJ Carlito. Eynan e pueblo di Corsou lo por cera conoci cu e Ron Martis di e banda di

Aruba cu tambe ta masha popular y gusta na Corsou y Boneiro.

A funda e banda musical Buleria dia 5 di juli 2014, mientras cu nan prome presentacion a tuma luga dia 16 di juli 2014. Nan ta traha bou di e compania Elite Empire.

E nomber Buleria ta origina for di Jerez, Spaña den siglo 19. E nomber mes ta procedente di Burlar. Tambe por interpret'e, teniendo cuenta cu su origen historico y tradicional, como un explosion di energia, libertad di expresion, talento, espontaneidad y ritmonan cu ta inicia for di curason. Na papiamento Buleria kiermen "Alegría", "Rumba" y "Ambiente".

Den apenas algun luna di existencia, Buleria a pega varios cancion na radio y durante fiestanan bailabel, manera ta nan hitnan "Haci amor bailando", "Late night kiss" y sin lubida nan hit di momento "Laga nan yama bo cayente". Buleria a caba di lansa algun dia pasa "Stima bo mes" den cual Rocco Flava ta canta hunto cu Biggy Boy.

RUBIANO CARWASH

SITUA DILANTI DILANTI DUSHI LIMPI LAUNDRY
RIBA CAMINDA GRANDI DI SANTA CRUZ

Tur auto ta wordo laba pa

Afl.25,- sooooo!!!

Laba paden + pafor.

(Oferta pa tempo limita)

Habri tur dia NONSTOP 8.30AM - 5.30PM
Pa mas info. por yama: 745-2682 of djis drop in.

PUEBLO A HAÑA SU PEN BEK

Pa kualkier informacion
solodipueblo@gmail.com

of
☎ 585-9500

TRAPPERS CLUB

- Fiesta, reunion, ricibimento, bruid, fiesta grandi o chikito.
- Workshop, reunion, reunion deportivo, encuentronan di iglesia.
- Area openlucht ta acomoda 1000 persona
- 2 Sala airco cu ta acomoda te cu 400 persona
- Area openlucht cu stage, pa festival, iglesia, fiesta familiar
- Remodel'a Situa pariba di Botica Central, pabao di veld di Rockets @ Sta Cruz 739-0101 / 748-8280

CLASIFICADO

25 florin pa 3 dia

40 florin pa 1
simanPasa na nos
oficina na Sta.
Cruz 110**Ta bende PATO:**
Macho 50 pa un
Hembra 30 pa un**Ta chapi, corta**
mata, verf, haci
cura limpi, tira
sushi afo, 15 florin
pa ora.
Yama 5690143**LOOKING FOR A
CAREER?**

If you are enthusiastic, ambitious and a hard worker, you have a lot to offer - then you are just the type of person we are looking for. If you are interested in a life-long career with excellent earning potential, do contact us at: auasales@gmail.com and find out what we have to offer.

We are an equal
opportunity employer

TA BENDE

Cas na Tanki Leendert, 3
kamer, 2 baño, 2 apts.,
tereno 813 m2, construi
375 m2. Considerando
ubicacion favorabel y
grandura di tereno, tambe
bon pa negoshi cu amplio
espacio pa parkeer.
Prijs Afl. 460.000,-. Yama
5937118.

Ta Cumpra
Ta busca Cas pa Cumpra na
Savaneta
Ta busca tereno priva pa
cumpra na playa
Cell: 5694343**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500

CUMINDA

Cushina di Dochi Lee

NOS SNACKS

Tur dia tin special di dia. bestel bo cuminda tempran
na 585-2585

Carpinte fini ta ofrece,
Kitchen cabinet, cashi
camber**cash banjo etc di palo**
puro y na un bon prijs**Inf. CEI: 5696176 6415310****PA BO MATA NAN TA**
BERDE
Y BUNITA GORDURA DI
BON CALIDAD
PA AFL 7.00 PA SACO.
CUMpra Y NOS
TA ENTREGA GRATIS**PA MAS INFO YAMA**
592-6209**TA BUSCA**


Un cas pa huur
pabao di brug
un cas di 2 of 3
kamer. Prijs di
700 florin pa 1000
florin. Yama 744-
3714 of 744-5093

TA HUUR

executive huis
2-verdieping 4slpk-3badk
was en berghok rustige
buurt scopetstraat 7
ponton afls.2750/p mnd
zonder meubels
afls.3000/p mnd semi
gemeubileerd
cel:561-1833

TA HUUR

Ta huur espacio comercial na Centro Comercial
Noord Afl. 500.00. Perfecto pa cualkier sorto di
oficina.

Adres: Noord 82.**Pa informacion yama 730-7000****Marios Septic Truck****Servicio rapido 560 3500****STA CRUZ
BARBER SHOP**

Habri tur dia te cu 9'or anochi. Situa dilanti Colegio
San Hose, (banda di Blush). Pasa cerca nos y nos lo
drecha bo look y ponebo master master!

Sanador Spiritual
internacional y
Clarividente Mr. Mane
for di Africa
Specialista den tur
problema efectivo. Trece
bek sernan keri, exito den
negoshi, kita mala suerte y
magia preto. Ta resolve
problemanan financiero,
yuda pasa rijbewijs, yuda
cu dificultad sexual y
mucho mas. Resultadonan
rapido y garantiza
Pa mas info yama
5658369

Resultado di number:

Diamars 24 Maart Merdia

Catochi	Big 4
3784	8693
7181	
8877	

Zodiac	XXXXXXXXXX
7579 – Geminis	XXXXXXX
	XXXXXXXXXX
	XXXXXXXXXX

Diamars 24 Maart Anochi

Catochi	Big 4
1051	2547
3839	
3801	

Zodiac	Mini Mega
4000 – Geminis	26 – 17 – 10 – 16
	Megaball: 02

Lotto di dia	Corsou
25 – 12 – 24 – 14 – 18	1562
	7220
	0403

Diario	Super 4
1970	6328
9889	
4732	

4 skina DIA
XXXXXXXXXX
4 Skina Cur
XXXXXXXXXX

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500




PRO-LOCAL DE LA FUNDACIÓN

VEN CON NOSOTROS AL CLUB CAIQUETIO
EL 25 DE ABRIL
REGISTRACIÓN 6:00 P.M.
INICIO 8:00 P.M.

NUESTRA META:
Es desarrollar un centro para la colonia Dominicana que hacemos vida en Aruba.
Realizar proyectos educativos y ayudar en caso de necesidad, entre otros.

Esperamos el apoyo de todos(as) en esta gran actividad, por el engrandecimiento de la colonia.

Unidos somos más
Te esperamos

Costo Afls. 10.- por Ticket
Mas de Afls. 4.000 en Premios

Premios Atractivos

**NO ENFRENTA
CANCER DI
PECHO BO SO**

BREAST CANCER SUPPORT GROUP

Mary Joan

Adress: Sabana Blanco 8
Tel: 588-9999

BOTICANAN:

Maria	585-8145
Di Servicio Noord	586-4606
Seroe Preto	584-4833
Fergusonstraat	583-0620
Kibrahacha NV	582-2007
Oduber NV	582-1780
Paradera	588-6638
Santa Cruz	585-6890
San Lucas	584-4830
San Nicolas	584-5712
Santa Anna	586-0027
Trupial	582-8671
Eagle	587-9011
4 Centro Medico	584-5779
Aloe	584-4606
Central NV	585-1965
Dakota NV	588-7364
Del Pueblo	582-1253

POLIS:

Orañestad	100
San Nicolas	104
Sta. Cruz	105
Noord	107
Tip-line	11141
Brandweer/Ambulance	911
Guardacosta	913
Seguridad National	11911
Hospital	527-4000
Centro Medico	524-8833
Setar storing	117
Web Storing	525-4600
Elmar storing	4566
523-7147	
Agencia Funeral:	
The Olive Tree	
584-8888	
Ad Patres	
584-2299	
Aurora	
588-6699	

Mementomori 582-2222

Fundacion:

Cas	584-2050
Fada	583-2999
F A V I	582-5051

Botica na Warda

Yama pa informacion na
Horacio Oduber Hospital:
527-4000


Dokter na Warda

Solo Local.....

Pakete di Extra Innings di Major League Baseball (MLB) obtenibel pa cliente

Baseball ta un deporte hopi grandi y gusta na Aruba. Hopi ta esnan cu tin nan team favorito ta apoya den MLB, sea ta New York Yankees, San Francisco Giants, Chicago Cubs of un di e otro teamnan. Sin laga afor Boston Red Sox cu ta e team di nos Arubiano Xander Bogaerts. SETAR Cable Services conhuntamente cu CMB, Pizza Hut y Telearuba ta haci posibel pa tur fanatico sigui e weganan di serca.

Cu e pakete di Extra Innings di MLB, cliente por disfruta di mas di 80 wega pa siman riba 14 diferente canal, cual nan ta canal 121 te cu 134 y mas 2 canal den High Definition (HD), canal 340 y 341. Esaki lo ta durante full e temporada di Extra inning cu ta cuminzando dia 5 di April te cu October 2015.



Tur siman Telearuba lo transmiti 4 di e weganan riba canal 13, 23 y 313. Dependiendo di e orario, kizas e transmision lo tuma lugar riba canal 23 so.

Pa aplica pa e pakete di Extra Innings di MLB por pasa na cualkier Teleshop di SETAR, SETAR Store

of por yama na 525-1700. Si e cliente tin un conexion analog, dus e no tin un box na cas, e por pasa personalmente pa

upgrade esaki pa un di e paketenan digital pa asina por mira e weganan aki.

Pa mas informacion por

bishita www.setar.aw, pasa cualkier Teleshop di SETAR, SETAR Store of yama 525-1700.

TA BENDE

7 Aptamento na
Paradijswijk

Pa Afl 335.000,-. Tereno
Propiedad 10.780m2 na
montaña.Yama 5937118

Servicio Publico

Tin mester di dos colchon di dos persona pa un famia den necesidad. Si tin mas donacion, lo ta mas cu bon bini.

Pa mas informacion tuma contacto cu 6001042. Un danki di curazon.

ULTIMO!! ULTIMO!! ULTIMO!! TRAINING "TAAL" (pa estudiante 6de klas scol basico)

Fecha TAAL: Maart 30,31; April 1,2,4,2015
Lugar: Club Don Bosco (Noord)
Docente : drs. Rudolf R. Kelly

Informacion: 562-2119/594-9771/585-9774.

Email: rr_kelly@yahoo.com

Cupo limita!!

Toets 1ste klas HAVO/VWO: April 17, 2015

NO ENFRENTA CANCER DI PECHO BO SO

Adress: Sabana Blanco 8 Tel: 588-9999



Solo Local.....

Prensa di produccion di programa Aleman di bishita na Aruba



Diadomingo 22 di Maart tabata di bishita ariba nos isla cu e crusero "Artania Phoenix" un grupo di produccion Aleman di e programa hopi gusta na Alemania "Verrückt Nach Meer" (Crazy about the Sea). Segun e Manager di e crew Alex esaki ta nan promer bishita na Aruba y

nan lo filma varios escena den diferente di nos atraccion nan incluyendo nos beach nan, den nos centro commercial, Caya Betico Croes, plaza Daniel Leo y tambe banda di nos Mercado di fruta. Sr. Ricardo Croes di ATA tabata encarga cu e grupo aki y a ricibi comentario



nan hopi positivo di grupo Aleman. Segun comentario di e manager di e grupo Alex, lo ta un bon idea pa pone mas signs vooral na e atraccion nan turistico, por ejempl na nos Divi Divi (Fofoti) na Eagle beach pa nos turista nan no colga paña na e palo of sinta cu stoel bouw di un mata asina popular cu hopi bishitante nan ta saca potret diariamente, tambe por pone un borchis indicando cu no mag di scribi ningun graffiti na nos Gold Mill na Bushiribana. Nan a bishita Zeerover tambe na unda nan a savoria un dushi plato crioyo. Ariba e potret

nan por aprecia Sr. Croes di ATA junto cu e grupo di e produccion di Alemania

den accion.

TA BENDE
Afl.5.500

KIA DUMP TRUCK
CEL: 594-2671



Backhoe & Bobcat Services
Lanta sushi, rosa tereno
Coba pos fundeshi y cura
Yena fundeshi, santo y piedra
Pa mas info 593-5050 of 592-1116

Construccion & Carpenteria

nos ta traha cas, Cura, drecha dak.

Nos departamento di

Carpenteria ta completo.

Nos shop ta specializa den tur tipo di cabinet

JOIN NOS NA NOS CAMINATA 5 KM FUN & RUN WALK WITH A VISION 2015

Fecha: Diasabra, 28 Maart 2015

Ruta: Fisherman's hut - Arashi -

Fisherman's hut

Ora: 5:00 pm Zumba warm up

5:30 pm Caminata ta start

Tickets obtenibel na: IBISA, Centro di FAVI y Runners Store

Pa mas informacion yama nos na 5825222 - 5825051



Lo tin bon ambiente, premio y refreshments na final di caminata



NOS LO PASA UN RATO ALEGRE Y SALUDABEL!

PosterMyWall.com

Aruba Softball Bond hunto cu SV Royal Power y HEINEKEN ta anuncia



Champ of the Champs 2015

"The ninth Edition" 29 Juni pa 5 di Juli 2015



Teamnan cu ya a confirma: Destroyers y Suffisant Eagles (Curaçao), Farah, Los Francos y Cabayeros De Merida (Venezuela), Los Fuertes y Cristobal (Republica Dominicana), dos sorpresa Canada y USA. Keda pendiente!!!!!!

Solo Obituario.....

Kabelnan di CableTV a cay y a destrui autonan staciona den Celsiusstraat



Dialuna merdia a drenta informacion di un incidente den Celsiusstraat. Mesora a dirigi un patruya na e sitio. Na yegada di e patruya a bin compronde

cu un kabel cu un box a cay y a destrui algun auto den e caya menciona. Afortunadamente ningun hende a resulta herida.

INVITACION: GRUPO DI ORACION Carismatico "SHALOM"



Cu e Amor di Cristo Hesus, ta invita e Pueblo di Tanki Leendert y Aruba henter, cordialmente pa asisti. na un anochi di:

**"ALABANZA Y
ADORACION"**
Na: MISA SAN
HUAN PABLO II
(na Tanki Leendert)

**Bin buska
bo Sanacion,
Bendicion y Gozo
den "E Palabra di
Dios"**

**DIA: Diarazon 25
di Maart, 2015
ORA: 7:30 PM -
9:30 PM
ORADOR: Sra. Rita
Werleman**

Nos ta cuminsa cu e Santo Rosario.

Hesus ta wardabo sin falta!

"Pueblonan tur, bati man, Aclama Dios cu grito di alegria. Esta temibel Dios ta, Esun altisimo, Un gran Rey riba mundo henter." Salmo 47:1-2.

INVITACION PA APARICION NA KOYARI

diarazon dia 25 Maart 2015.

Grupo di oracion Catolico, "The Voice of Jesus" ta haci un

invitacion na henter pueblo di Aruba, pa asisti diarazon awor dia

25 di Maart 2015 na e Aparicion di Mama Maria, La Birgen di Gracia di Aruba, riba e tereno bendiciona na Koyari, adres Koyari 13-B.

Tambe e dia aki ta recorda e Anunciacion di Angel Gabriel na Mama Maria y alavez e fecha aki ta cumpleaños di nos Vidente stima Valerie. Pa 7.00 di anochi ta cuminsa cu e introduccion y pa 8.00 ta cuminsa resa e oracion di Santo Rosario y durante e oracion, Mama Maria ta aparece pa duna tur esnan presente Su bendicion y pa scucha nos peticionnan y pa nos por scucha Su mensahenan divino.

Laga nos tur bin pa gradici Mama Maria pa Su presencia y Su amor, cu e aña aki ta bai haci 17 aña, cu nos dushi Mama ta bishita nos isla di Aruba. Tambe Mama Maria ta pidi pa tur hende por trece mas tanto persona cu ta posibel, specialmente enfermonan.

P'esey laga nos tur bin hunto pa duna Mama Maria, e amor y e aprecio cu E merece.

Tambe nos kier recorda cu nos tin e Caminda di Cruz tur diabierna pa 3.00 di atardi riba e tereno na Koyari. Tur hende ta cordialmente

invita pa asisti.

TA BENDE:

TOYOYA P-UP 1977, BODY Y MOTOR ORIGINAL std,
Afl.600 of mihor oferta,
Interesadonan por yama: 5938182



ALERTA -- TENE CAUTELA RIBA LAMA DEBI NA E BIENTO FUERTE.
ALERT -- USE CAUTION OVER OPEN WATERS DUE TO STRONG WINDS.
ALERT -- WEES ALERT OP ZEE VANWEGE DE KRACHTIGE WIND.
PRONOSTICO DI TEMPO PA ARUBA VALIDO TE DIABIERN 13 DI MAART 2015

COMPILA:DIADOMINGO 8 DI MAART 2015 17:00 (21:00 UTC)

TEMPO:PARCIALMENTE NUBLA CU CHENS CHIKITO PA ALGUN YOBIDANAN ISOLA.

TEMPERATURA MAXIMO 32 GRADO CELSIUS Y TEMPERATURA MINIMO 25 GRADO CELSIUS.

SOLO TA SALI 06:51 AM Y TA BAH 06:50 PM.

BIENTO:FOR DI DIRECCION OOST Y MODERATE FRESCO; FORSA 4 TE 5 (20 TE 39 KM/ORA, 11

TE 21 NUDO). OCASIONALMENTE TA RAFAGA TE FUERTE; FORSA 6 TE 8 (40 TE 63 KM/ORA, 22 TE 34

NUDO).SITUACION GENERAL: PIDANAN DI AIRE HUMEDO TA WORDO TRANSPORTA RATO RATO DOR DI E BIENTO FUERTE

DIRECCION DEN CARIBE. ESAKI LO POR AUMENTA NUBIANAN DE BEZ ENCUANDO Y TAMBE TIN CHENS PA ALGUN

YOBIDANAN ISOLA.E BIENTO LO AUMENTA DEBI NA UN AREA DI PRESION HALTO RIBA MAR ATLANTICO CUTA DESAYORANDO.CONDICION DI LAMA:OLANAN DI LAMA LO TA DI DIRECCION OOST-NOORDOOST CU HALTURA DI 7 TE 9 PIA. TEMPERATURA DI SUPERFICIE DI LAMA 27 GRADO CELSIUS.

TENE CAUTELA RIBA LAMA DEBI NA E BIENTO FUERTE.

PROSPECTO DI TEMPO PA E CUMIENSO DI E SIMAN:

PARCIALMENTE NUBLA CU CHENS CHIKITO PA ALGUN YOBIDANAN ISOLA. BIENTO TA AUMENTA. TEMPERATURA LO FLUCTUA ROND NORMAL. REGISTRACION DI TEMPERATURA (CELSIUS) Y AWACERO (MM) DEN ULTIMO 24 ORA:

AIRPORT MAX 31 / MIN 26 / 0.40
HADICURARI MAX 28 / MIN 23 / 0.00

Solo Obituario.....

Na bo mi ta alsa mi alma, na bo mi Señor y mi Dios. Salmo 25


A bay sosega den braza di Señor nos ruman stima:

**Erwin
Arsenio
Croes**

*22-01-1957 - †21-03-2015

Mayornan den feliz memoria:

† Francisco (Chico) Croes y + Emilia (Mimia) Croes



Rumannan:

† Nea Werleman y famia
† Eti Croes y + Ija Croes- Lacle y Famia
Ambrosio Croes y + Mathilda Croes- Maduro y Famia
† Carmen Croes y + Frans Croes y Famia
† Foyen Croes y Do Wernet y Famia
† Maria Croes y Boeis Thode y Famia
Chica Croes y Emi Croes y Famia
† Maiky Croes
Tichi Croes
† Rudy Croes y Everline Royer y Famia
Roly Croes y America Wever y Famia
Franklin Croes y Filomena Croes-Dijkhoff y Famia
Alex Croes y Carmen Lugo y Famia

Tur su amigo sobrino- y sobrinanan, primo- y primanan, amigo, bisña y conocirnan.

Na tur su ayudante, amigonan y su famia completo di PAAZ.

Demas famia ta invita pa acto di entierro cual lo tuma lugar diarazon 25 Maart 2015 di 9'or mainta pa 11'or mainta na Aurora Funeral Home y despues pa Santana Catolico na Santa Cruz.

Gradicimento y invitacion

Na number di su casa John y yiunan Angelique y John Jr. y demas famia kier a gradici tur esnan cu a convivi cu nos na momento di fayecimento y durante entierro di nos estimada:

Susana De Vries-Gutierrez.

Alavez nos ta invita pa un Santo Sacrificio di Misa di ocho dia na Iglesia Inmaculada Concepcion Sta. Cruz, diasabra 28 Maart 2015 pa 7'or di anochi. Despues di misa lo tin un Rosario y Oracion na cas pa gradici Dios pa tur loke Susana a nifica pa nos.

Cu bon Dios bendiciona boso.

Dama na estado involvi den accidente den Oude Schoolstraat y Windstraat

Dialuna merdia a drenta informacion di un accidente cu hende herida na e cruzada Oude Schoolstraat y Windstraat. Mesora a dirigi tanto polis como ambulance na e sitio. Na yegada di e patrulla a bin compronde cu aki ta trata di un accidente unda e dama chauffeur bayendo nort den Oude Schoolstraat no a duna preferencia na e SUV cu tabata bayendo pariba den Windstraat. E impacto tabata fuerte y un dama pasajero cu ta na estado den e Toyota a sinti hopi dolor. Na yegada di e ambulance, nan a atende e victima y nan a transporte pa hospital.



SU MAMA SRA JUANA Y SU YIU HOMBER TA DEDICA E POESIA AKI NA NAN YIU Y MAMA STIMA SRA. PRISCILLA SCHWENGLE Q.E.P.D

MI MAMA NO YORA

Dia ta habri tristo, awe ya mi no tey cubo
Papa Dios a dicidi hiba mi pa por ta hunto
E ta un lugar trankilo y bunita unda tin Paz
Aki ta sinti Amor cu no por describi hamas.
Mi ta mira bo ta yora tur dia mi ausencia
Ya bo no tin gana di nada ni sikiera alegria
Bo ta pone mi tristo sa cu mi ta cerca boso
Pensa mi curpa ta leu dunando apoyo.

Mi kier pa mama calma mi yiu su dolor
Nos no a haya tempo pa despedi e ta pio
Como mama mi ta sinti e tristeza profundo
Cu mi yiu ta carga y no sa kico ta pasando.
Bo ta mama y tin e forza cu mester den cas
Si mi por a transmiti mi mes un rato patras
Pa bisa mi yiu y abo cuanto ami stima boso
Cu mi a bay den un vuelo cu no tin regreso.

Mama, ora bo pensa den mi imagina mi tey
No yora mas laga mi mira boso feliz y esey
Ta e deseo cu mi ta laga den boso curazon
Cu un dia a nos ta hunto atrobe corda bon.

Papa Dios a dicidi asina tabata su voluntad
Conta mi yiu cuanto mi stim'e su felicidad
Dios a prepara p'e y momento anochi e reza
Ami ta cerca di dje como su angel preciosa.
Autor: Omaira I. Rodriguez- Britten



Solodipueblo@gmail.com....

Dreams Paintings Workshop hunto ku Ban Sketch

Wall painting Aruba su Workshop di Dreams paintings, hunto ku Gairo Tromp di ban Skekch

Ta ofrece e pueblo di Aruba e tremendo oportunidad pa ku e bunita oportunidad di sinja Sketch di un manera realistico tambe ta ofrece e tremendo arte palstico ariba canvas pa tur edad cuminsando for di 6 anjan bai ariba.

E arte di cada artista lo participa den un tremendo Exposicion na Cas di Cultura dia 23/24 di Mei 2015

Nos meta ta pa encurasha tur hende pa ku e arte di pinta, mucha -hoben y adulto, ja ku lo ta den un ambiente "NO" competitivo y e multibeneficio manera: Humanisa Hende, Comunicacion,

Concentracion y Sanacion, Actividad cerebral, Inteligencia emocional, Salud mental-Diversión, Apreciacion di arte y Cultura y esun mas principal lanta e Autoestima.

Inscribi pa bo reserva bo luga, jama na 6623222

Of facebook Wall painting Aruba, of Gairo Tromp.



S-U-S-S-S-A

Split Unit Sprinkler System Saver Aruba

Bo no tin "PLACA" pa Cumpra Airco Inverter
ata aki e solushon pa baha bo

GASTO di Coriente di Airco Split Unit

"Garantisa cu 50% (of bo plaka bek)"

Simplemente un Adaptashon cu lo costabo

Afls: 250:=- per Unit

Tel: 6000641